

摘藻堂四庫全書薈要

史部

欽定四庫全書薈要卷七千一百七十一

史部

資治通鑑卷一百八十五 宋 司馬光 撰

胡三省 音註

唐紀一

一起著雍攝提格正月盡七月不滿一年唐古國名陸德明曰周成王母弟叔虞封於唐其

地帝堯夏禹所都之墟漢曰太原郡在古冀州太行恒山之西太原太岳之野李唐之先李虎與李弼等八人佐周伐魏有功皆為柱國號八柱國家周閔帝受魏禪虎已卒乃追錄其功封唐國公生子昽襲封昽生淵襲封起兵克長安進封唐王遂受隋禪國因號曰唐

高祖神堯大聖光孝皇帝上之上

諱淵字叔德本隴西成紀人七

世祖高王西涼是為涼武昭王至曾孫熙家于  
武川熙生虎從周文帝始家長安

武德元年

是年五月受  
隋禪始改元

春正月丁未朔隋恭帝詔唐王

劔履上殿贊拜不名

隋志按漢自天子至于百官無不  
佩刀蔡謨議云大臣優禮者皆劔

履上殿非侍臣解之蓋防刃也近代以木未詳所起東  
齊著令謂為象劔言象於劔周武帝時百官燕會並帶  
刀升座至開皇初因襲舊式朝服升殿亦不解馬十二  
年因蔡徵上事始制凡朝會應登殿坐者劔履俱脫其  
不坐者勅召奏事及須升殿亦就席解劔乃登納言黃  
門內史令侍郎舍人既夾侍之官則不脫其劔皆真刃  
非假又准晉咸康元年定令故事自天子以下皆衣冠  
帶劔今天子則玉具火珠鏢首惟侍臣帶劔上殿自王  
公已下非殊禮引升殿皆就席解而後升複下曰烏單  
下曰履諸非侍臣皆脫履升殿烏唯冕服及具服著之

履則諸服皆用凡朝會贊拜則曰某官某不名亦殊禮也上時掌翻鏢紬招翻唐王既克長安

以書諭諸郡縣於是東自商洛

隋志商洛縣屬上洛郡取商山洛水以名縣也

南盡巴蜀郡縣長吏及盜賊渠帥氐羌酋長爭遣子弟

入見請降有司復書日以百數

長知兩翻帥所類翻首才由翻見賢遍翻降戶

江翻王世充既得東都兵進擊李密於洛北敗之

敗補邁翻

遂屯鞏北

鞏縣之北

辛酉世充命諸軍各造浮橋度洛擊密

橋先成者先進前後不一虎賁郎將王辯破密外柵

賁音

奔將即亮翻

密營中驚擾將潰世充不知鳴角收衆密因帥



敢死士乘之

帥讀曰率

世充大敗爭橋溺死者萬餘人

狄奴翻

王辯死世充僅自免洛北諸軍皆潰世充不敢入東都

北趣河陽

趣七喻翻又逡須翻

是夜疾風寒雨軍士涉水沾濕道

路凍死者又以萬數世充獨與數千人至河陽

考異曰隋書

北史李密傳曰世充復移營洛北南對鞏縣其後遂於洛水造浮橋悉衆以擊密密出擊之官軍稍却自相陷溺者數萬人世充僅而獲免不敢還東都遂趣河陽其夜雨雪尺餘衆隨之者死亡殆盡王世充傳曰充敗績赴水溺死者萬餘人時天寒大雪兵士既度水衣皆濡濕在道凍死者又數萬人蒲山公傳曰世充移營就洛水之北與密隔洛水以相望密乃築長城掘深塹周迴七十里以自固十五日世充與密戰於石窟寺東密軍

退敗世充度洛水以乘之逼倉城為營塹密縱兵疾戰  
世充兵馬棄仗奔亡沉溺死者不可勝數密又令露布  
上府曰世充以今月十一日平旦屯兵洛北偷渡水南  
其月十五日世充及王辯才等又於倉城北偷渡水南  
敢逼城堞河洛記曰十六日充與密戰於石窟寺東又  
曰其夜遇風寒疾雨士卒凍死十不存一充脫身宵遁  
直向河陽餘如蒲山公傳畧記曰辛酉王世充移兵洛  
北仍令諸軍臨岸布兵軍別造浮橋橋先成者輒渡既  
前後不一而李密伏發我師敗績爭橋赴水溺死者十  
五六雜記曰十二月越王遣太常少卿韋霽等率留守  
兵三萬並受世充節度又曰王辯縱等敗衆軍亦潰爭  
橋赴水死者太半王辯縱等皆沒唯世充敗免與數百  
騎奔大通城敗兵得還者於道遭大雨凍死者六七千  
人世充停留大通十餘日懼罪不還十四年正月越王  
遣世充兄世暉往大通慰諭赦世充喪師之罪按李道  
玄勸進於李密表云于時律始太簇未宜霰霽而澍雨

忽降凍殆將盡今參取衆書  
日從蒲山公傳雨從河洛記

自繫獄請罪越王侗遣使

赦之

侗它紅翻  
使疏吏翻

召還東都賜金帛美女以安其意世充

收合亡散得萬餘人屯含嘉城

含嘉城蓋在都城之北  
按舊書王世充傳含嘉

倉城也

不敢復出

復扶  
又翻

密乘勝進據金墉城修其門堞廬

舍而居之

堞達  
協翻

鉦鼓之聲聞於東都

聞音  
問

未幾擁兵三

十萬陳於北汜

陳讀  
曰陣

南逼上春門乙丑金紫光祿大夫

段達民部尚書韋津出兵拒之達望見密兵盛懼而先

還密縱兵乘之軍遂潰韋津死

考異曰隋書列傳不  
言戰日蒲山公傳此戰

在四月九日略記亦云四月乙未李密率衆北據卬山  
南接上春門段達韋津出兵拒之兵未交而達懼先還  
入城軍遂潰亂乙未二十一日也今據河洛記正月十  
九日世充又與密戰於上春門外韋津沒焉又二月房  
彥藻與竇建德書亦云幕府以去月十九日親董獬虎  
西取洛邑其蒲山公傳四月已後月日與事多差互不  
合今日從河洛記事於是偃師柏谷及河陽都尉獨孤  
從畧記及隋段達傳

武都檢校河內郡丞柳燮職方郎柳續等

隋制職方郎屬兵部尚書

各舉所部降於密竇建德朱粲孟海公徐圓朗等並遣

使奉表勸進

降戶江翻使疏吏翻盧祖尚亦通表於密按祖尚本起兵為隋

考異曰河洛記云

事恐不爾  
今不取

密官屬裴仁基等亦上表請正位號

上時掌

密

曰東都未平不可議此 戊辰唐王以世子建成為左

元帥秦公世民為右元帥

帥所類翻

督諸軍十餘萬人救東

都 東都乏食太府卿元文都等募守城不食公糧者

進散官二品於是商賈執象而朝者不可勝數

象者象笏也西

魏以來五品已上通用象牙

賈音古朝直遙翻勝音升

二月己卯唐王遣太常

卿鄭元璠將兵出商洛徇南陽

煬帝改鄧州為南陽郡璠殊玉翻將即亮翻

左領軍府司馬安陸馬元規徇安陸及荆襄

隋十二衛府各有長

史司馬煬帝改安州為安陸郡荆州南郡襄州襄陽郡

李密遣房彥藻鄭通等

題他

東出黎陽分道招慰州縣以梁郡太守楊汪為上

柱國宋州總管

煬帝改宋州為梁郡守式又翻

又以手書與之曰昔在

雍丘曾相追捕

事見一百八十三卷大業十二年

射鉤斬袂不敢庶幾

管仲射齊桓公中帶鉤桓公用之以相晉寺人披伐公子重耳斬其袂文公不怨今以袂為袂射而亦翻幾居

希汪遣使往來通意密亦羈縻待之

使疏

彥藻以書招

竇建德使來見密建德復書卑辭厚禮託以羅藝南侵

請捍禦北垂彥藻還至衛州賊帥王德仁邀殺之

帥所類翻

下德仁有衆數萬據林慮山

衛州隋為汲郡林慮山在魏郡林慮縣慮音廬

四

出抄掠為數州之患

抄楚交翻

三月己酉以齊公元吉為

鎮北將軍

考異曰創業注改太原留守為鎮北府在去年十一月己巳蓋因元吉進封齊公言之

耳今從實錄

太原道行軍元帥都督十五郡諸軍事聽以便

宜從事

隋煬帝至江都

大業十二年煬帝至江都

荒淫益甚宮中

為百餘房各盛供張

張竹亮翻

實以美人日令一房為主人

江都郡丞趙元楷掌供酒饌

饌離戀翻又離皖翻

帝與蕭后及幸

姬歷就宴飲酒卮不離口從姬千餘人亦常醉

離力智翻從才

用翻然帝見天下危亂意亦擾擾不自安退朝則幅巾短

衣策杖步遊徧歷臺館非夜不止汲汲顧景唯恐不足

帝自曉占候卜相好為吳語

朝直遙翻相息亮翻好呼到翻

常夜置酒

仰視天文謂蕭后曰外間大有人圖儂

吳人率自稱曰儂

然儂

不失為長城公卿不失為沈后

長城公陳叔寶叔寶后沈氏

且共樂

飲耳

樂音洛

因引滿沈醉

沈持林翻

又嘗引鏡自照顧謂蕭后

曰好頭頸誰當斫之后驚問故帝笑曰貴賤苦樂更迭

為之

樂音洛更工衡翻

亦復何傷

復扶又翻

帝見中原已亂無心北

歸欲都丹楊

帝改蔣州為丹楊郡蓋欲都建康也考異曰大業記帝欲南巡會稽今從隋書



保據江東命羣臣廷議之內史侍郎虞世基等皆以為

善右侯衛大將軍李才極陳不可請車駕還長安與世

基忿爭而出門下錄事衡水李桐客曰

隋制門下省置錄事通事令史

各六人衡水縣屬信都郡開皇十六年分信都北界武邑西界下博南界置宋白曰衡水縣本漢桃縣

江

東卑濕土地險狹內奉萬乘外給三軍民不堪命亦恐

終散亂耳御史劾桐客謗毀朝政

乘繩證翻劾戶槩翻又戶得翻朝直遙翻

於是公卿皆阿意言江東之民望幸已久陛下過江撫

而臨之此大禹之事也

禹南巡狩會諸侯於會稽

乃命治丹楊宮將

徙都之

治直之翻

時江都糧盡從駕驍果多關中人

從才用翻驍堅

堯翻久客思鄉里見帝無西意多謀叛歸郎將竇賢遂帥所

部西走

將即亮翻下同帥讀曰率

帝遣騎追斬之

騎奇寄翻

而亡者猶不

止帝患之虎賁郎將扶風司馬德戡素有寵於帝

賁音奔戡

音堪帝使領驍果屯於東城德戡與所善虎賁郎將元禮

直閣裴虔通謀曰

煬帝制左右監門府有直閣各六人正五品

今驍果人人

欲亡我欲言之恐先事受誅

先悉薦翻

不言於後事發亦不

免族滅奈何又聞關內淪沒李孝常以華陰叛

事見上卷上年

華戶化翻上囚其二弟欲殺之我輩家屬皆在西能無此慮

乎二人皆懼曰然則計將安出德戡曰驍果若亡不若

與之俱去二人皆曰善因轉相招引內史舍人元敏虎

牙郎將趙行樞鷹揚郎將孟秉符璽郎牛方裕直長許

弘仁薛世良城門郎唐奉義醫正張愷勲侍楊士覽等

隋初門下省統城門尚食尚藥符璽御府殿內等六局  
各有直長煬帝以城門尚食尚藥御府等五局隸殿內  
省改符璽監為郎城門置校尉後又改校尉為城門郎  
又置司醫醫佐等官意者醫正即司醫也勲侍三侍之

一也璽斯氏翻長知兩翻皆與之同謀日夜相結約於廣座明論叛

計無所畏避有宮人白蕭后曰外間人人欲反后曰任

汝奏之宮人言於帝帝大怒以為非所宜言斬之其後

宮人復白后

復扶又翻

后曰天下事一朝至此無可救者何

用言之徒令帝憂耳

丁令力翻

自是無復言者趙行樞與將

作少監宇文智及素厚

少始照翻

楊士覽智及之甥也二人

以謀告智及智及大喜德戡等期以三月望日結黨西

遁智及曰主上雖無道威令尚行卿等亡去正如竇賢

取死耳今天實喪隋

喪息浪翻

英雄並起同心叛者已數萬

人因行大事此帝王之業也德戡等然之行樞薛世良  
請以智及兄右屯衛將軍許公化及為主結約既定乃  
告化及化及性駑怯聞之變色流汗既而從之

考異  
曰蒲山

公傳曰趙行樞楊士覽以司馬德戡謀告化及化及兄  
弟聞之大喜因引德戡等相見士及說德戡等曰足下  
等因百姓之心謀非常之事直欲走逃故非長策德戡  
曰為之奈何士及曰官家雖言無道臣下尚畏服之聞  
公叛亡必急相追捕實賢之事殷鑒在近不如嚴勒士  
馬攻其宮闕因人之欲稱廢昏凶事必克成然後詳立  
明哲天下可安吾徒無患矣勲庸一集公等坐延榮祿  
縱事不成威聲大振足得官家膽懾不敢輕相追討遲  
疑之間自延數日比其義定公等行亦已遠如此則去  
住之計俱保萬全不亦可乎德戡等大悅曰明哲之望

豈惟楊家衆心寔在許公故是人天協契士及佯驚曰  
此非意所及但與公等思救命耳革命記曰帝知歷數  
將窮意欲南渡江水咸言不可帝知朝士不欲渡乃將  
毒藥醞酒二十石擬三月十六日為宴會而酖殺百官  
南陽公主恐其夫死乃陰告之而事泄為此始謀害帝  
以免禍並是凶逆之旅妄構此詞于時上下離心人懷  
異志帝深猜忌情不與人醞若不虛藥須分付有處遣  
何人併醞二十石藥酒必其酒有酖毒一石堪殺千人  
審欲擬殺羣寮謀之者必有三五衆謀自然早泄豈得  
獨在南陽只是虔通恥有殺害之謀推過惡於人主耳  
隋書化及傳云化及弑逆士及在公主第弗之知也智  
及遣家僮莊桃樹就第殺之桃樹不忍執詣智及久之  
乃見釋南陽公主傳責士及云但謀逆之日察君不預  
知耳舊唐書士及傳云化及謀逆以其主壻深忌之而  
不告按士及仕唐為宰相隋書亦唐初修或者史官為  
士及隱惡賈杜二書之言亦似可信但杜儒童自知醞

藥酒為虛則南陽陰告之事亦非其實如賈潤甫之說則弑君之謀皆出士及而智及為良人矣今且從隋書而刪去莊桃樹事及南陽之語庶幾疑以傳疑德戡使許弘仁張愷入備身府帝改左右領左右府為左右備身府告所識者云陛下聞驍果欲叛多醢

毒酒欲因享會盡鴆殺之獨與南人留此驍果皆懼轉

相告語

語牛倂翻

反謀益急乙卯德戡悉召驍果軍吏諭以

所為皆曰唯將軍命是日風霾晝昏

霾亡皆翻雨土也

晡後德

戡盜御廐馬潛厲兵刃是夕元禮裴虔通直閣下專主

殿內唐奉義主閉城門與虔通相知諸門皆不下鍵

鍵戶

偃翻陳楚謂  
戶鎬壯為鍵

至三更

更工  
衡翻

德戡於東城集兵得數萬人

舉火與城外相應帝望見火且聞外喧囂問何事虔通

對曰草坊失火外人共救之耳時內外隔絕帝以為然

智及與孟秉於城外集千餘人

此城外謂江  
都宮城之外

劫候衛虎

賁馮普樂布兵分守衢巷

左右候衛主晝夜巡察故劫  
之普樂蓋虎賁郎將賁音奔

樂音

燕王倓覺有變

倓元德太子昭之子代  
王侑之弟倓徒甘翻

夜穿芳林

門側水竇而入至玄武門跪奏曰臣猝中風

中竹  
仲翻

命懸

俄頃請得面辭裴虔通等不以聞執囚之丙辰天未明



德戡授虔通兵以代諸門衛士虔通自門將數百騎至

成象殿

將即亮翻  
騎奇寄翻

宿衛者傳呼有賊虔通乃還閉諸門

獨開東門驅殿內宿衛者令出皆投仗而走右屯衛將

軍獨孤盛謂虔通曰何物兵勢太異虔通曰事勢已然

不預將軍事將軍慎毋動盛大罵曰老賊是何物語不

及被甲與左右十餘人拒戰為亂兵所殺

被皮義翻  
考異曰蒲山

公傳裴虔通於成象殿前遇將軍獨孤盛時內直宿陳  
兵廊下以拒之詔曰天子在此爾等何敢先逆叱兵接  
戰兵皆倒戈虔通謂盛曰公何暗於機會恐他人以公  
為勲耳盛叱之曰國家榮寵盛者正擬今日且宿衛天

居唯當效之以死注弦不動俄為亂兵所擊斃於階下  
略記詰旦諸門已開而外傳叫有賊虔遁乃還閉諸門  
唯開正東一門而驅殿內執仗者出莫不投仗亂走屯  
衛大將軍獨孤盛揮刀叱之曰天子在此爾等走欲何  
之然亂兵交萃俄而斃於盛楷之弟也獨孤楷見一百  
階下今從隋書亦采畧記

仁壽二年

千牛獨孤開遠

煬帝制千牛十六人掌執千牛刀  
屬領左右府開遠獨孤后之兄子

帥殿內兵數百人詣立覽門叩閣請曰兵仗尚全猶堪

破賊陛下若出臨戰人情自定不然禍今至矣竟無應

者軍士稍散賊執開遠義而釋之先是帝選驍健官奴

數百人置玄武門

先悉  
薦翻

謂之給使以備非常待遇優厚

至以宮人賜之司宮魏氏為帝所信

司宮蓋即尚宮之職

化及等

結之使為內應是日魏氏矯詔悉聽給使出外倉猝際  
制無一人在者德戡等引兵自玄武門入帝聞亂易服  
逃於西閣虔通與元禮進兵排左閣魏氏啟之遂入永  
巷問陛下安在有美人出指之校尉令狐行達拔刀直  
進校尸教翻  
令音鈴帝映窻扉謂行達曰汝欲殺我邪邪音耶對  
曰臣不敢但欲奉陛下西還耳因扶帝下閣還從宣翻  
又音如字  
虔通本帝為晉王時親信左右也帝見之謂曰卿非我

故人乎何恨而反對曰臣不敢反但將士思歸欲奉陛

下還京師耳

將即亮翻

帝曰朕方欲歸正為上江米船未至

夏口以上為上江為于偽翻

今與汝歸耳虔通因勒兵守之至旦孟

秉以甲騎迎化及

騎奇寄翻下同

化及戰慄不能言人有來謁

之者但俛首據鞍稱罪過

罪過今世俗謙謝之辭俛音免

化及至城門

宮城門也

德戡迎謁引入朝堂號為丞相

朝直遙翻下同號戶刀翻呼也

裴

虔通謂帝曰百官悉在朝堂陛下須親出慰勞

勞力到翻

進

其從騎逼帝乘之

從才用翻

帝嫌其鞍勒弊更易新者乃乘

之虔通執轡挾刀出宮門賊徒喜譟動地化及揚言曰

何用持此物出亟還與手

與手魏齊間人率有是言言與之毒手而殺之也宋孝建

初薛安都助順有大功從弟道生亦以軍功為大司馬參軍犯罪為秣陵令薛淑之所鞭安都大怒乘馬執稍從數十人欲往殺淑之行至朱雀航逢柳元景問何之安都曰薛淑之鞭我從弟指往刺殺之元景曰小子無宜適卿往與手甚快安都既回馬元景復呼使入車讓止之此與手之微也亟紀力翻帝問世基何

在賊黨馬文舉曰已梟首矣於是引帝還至寢殿虔通

德戡等拔白刃侍立帝歎曰我何罪至此文舉曰陛下

違棄宗廟巡遊不息外勤征討內極奢淫使丁壯盡於

矢刃女弱填於溝壑四民喪業

喪息浪翻

盜賊蠭起專任佞

諛飾非拒諫何謂無罪帝曰我實負百姓至於爾輩榮

祿兼極何乃如是今日之事孰為首邪

邪音耶

德戡曰溥

天同怨何止一人化及又使封德彝數帝罪

數所具翻又所主翻

帝曰卿乃士人何為亦爾德彝赧然而退帝愛子趙王

杲年十二在帝側號慟不已虔通斬之血濺御服

赧奴板翻

慙而面赤也號戶刀翻濺子賤翻

賊欲弑帝帝曰天子死自有法何得

加以鋒刃取鴆酒來文舉等不許使令狐行達頓帝令

坐帝自解練巾授行達縊殺之

令力丁翻縊於賜翻又於計翻絞也考異曰

蒲山公傳河洛記皆云于洪

達縊帝今從隋書及畧記

初帝自知必及於難常以

畧貯毒藥自隨

難乃旦翻畧於耕翻貯丁呂翻

謂所幸諸姬曰若賊至

汝曹當先飲之然後我飲及亂顧索藥

索山客翻

左右皆逃

散竟不能得蕭后與宮人撤漆牀板為小棺與趙王杲

同殯於西院流珠堂帝每巡幸常以蜀王秀自隨囚於

驍果營化及弑帝欲奉秀立之衆議不可乃殺秀及其

七男又殺齊王暕及其二子并燕王倓隋氏宗室外戚

無少長皆死

陳古限翻驍堅堯翻  
少詩照翻長知兩翻

唯秦王浩素與智及

往來且以計全之

浩秦王  
俊之子

齊王陳素失愛於帝

陳失愛  
事始一

百八十一卷

大業四年

恒相猜忌帝聞亂顧蕭后曰得非阿孩邪

陳小字阿孩  
恒戶登翻

化及使人就第誅陳陳謂帝使收之曰詔

使且緩兒

使疏  
吏翻

兒不負國家賊曳至街中斬之陳竟不

知殺者為誰父子至死不相明又殺內史侍郎虞世基

御史大夫裴蘊左翊衛大將軍來護兒秘書監袁充右

翊衛將軍宇文協千牛宇文晶

晶戶  
了翻

梁公蕭鉅等及其



子鉅琮之弟子也

蕭琮故梁主  
琮藏宗翻

難將作江陽長張衛紹

馳告裴蘊

江陽縣帶江都郡舊廣陵也  
大業初更名長知兩翻

與惠紹謀矯詔發

郭下兵收化及等扣門援帝

與上更有蘊  
字文意乃明

議定遣報虞

世基世基疑告反者不實抑而不許須臾難作

難乃  
旦翻蘊

歎曰謀及播郎竟誤人事

播郎虞世  
基小字

虞世基宗人伋謂

世基子符璽郎熙曰事勢已然吾將濟卿南度同死何

益熙曰棄父背君

璽斯氏翻  
背蒲妹翻

求生何地感尊之懷

尊謂  
伋也

自此決矣世基弟世南抱世基號泣請伐化及不許

號  
戶

刀翻黃門侍郎裴矩知必將有亂雖廝役皆厚遇之

廝音斯今

人讀如瑟

又建策為驍果娶婦

事見上卷上年為于偽翻

及亂作賊皆曰

非裴黃門之罪既而化及至矩迎拜馬首故得免化及

以蘇威不預朝政亦免之

朝直遙翻

威名位素重往叅化及

化及集眾而見之曲加殊禮百官悉詣朝堂賀給事郎

許善心獨不至許弘仁馳告之曰天子已崩宇文將軍

攝政闔朝文武咸集

朝直遙翻

天道人事自有代終何預於

叔而低回若此善心怒不肯行弘仁反走上馬泣而去

化及遣人就家擒至朝堂既而釋之善心不舞蹈而出

化及怒曰此人大負氣復命擒還殺之其母范氏年九

十二撫柩不哭曰能死國難吾有子矣因卧不食十餘

日而卒

上時掌翻復扶又翻柩音  
舊難乃旦翻卒子恤翻

唐王入關也張季

珣之弟仲琰為上洛令

張季珣死節見上卷上  
年上洛縣隋帶上洛郡

帥吏民

拒守部下殺之以降

帥讀曰率  
降戶江翻

宇文化及之亂仲琰弟

琮為千牛左右

隋制領左右府有千  
牛左右司射左右

化及殺之兄弟三

人皆死國難時人愧之化及自稱大丞相總百揆以皇

后令立秦王浩為帝居別宮令發詔畫敕書而已仍以

兵監守之

令力丁翻  
監古銜翻

化及以弟智及為左僕射士及為

內史令裴矩為右僕射 乙卯徙秦公世民為趙公

戊辰隋恭帝詔以十郡益唐國仍以唐王為相國總百

揆唐國置丞相以下官又加九錫王謂僚屬曰此謫諛

者所為耳孤秉大政而自加寵錫可乎必若循魏晉之

迹彼皆繁文偽飾欺天罔人考其實不及五霸而求名

欲過三王此孤常所非笑竊亦恥之或曰歷代所行亦

何可廢王曰堯舜湯武各因其時取與異道皆推其至

誠以應天順人未聞夏商之末必效唐虞之禪也若使

少帝有知必不肯為

少詩  
照翻

若其無知孤自尊而節讓平

生素心所不為也但改丞相為相國府其九錫殊禮皆

歸之有司 宇文化及以左武衛將軍陳稜為江都太

守綜領留事

守式  
又翻

壬申令內外戒嚴云欲還長安皇后

六宮皆依舊式為御營營前別立帳化及視事其中仗

衛部伍皆擬乘輿

乘繩  
證翻

奪江都人舟楫取彭城水路西

歸

煬帝改徐州為彭城郡職與樞同

以折衝郎將沈光驍勇

煬帝置折衝郎將正

四品掌領驍果屬領左右府將即亮翻下同驍堅亮翻

使將給使營於禁內

既立御營

以御營之內為禁內

行至顯福宮虎賁郎將麥孟才虎牙郎錢傑

煬帝制十二衛府每衛置護軍四人掌副貳將軍每改護軍為虎賁郎將而置虎牙郎將副焉虎牙郎下當有

將字與光謀曰吾儕受先帝厚恩今俛首事讎受其驅帥

儕士皆翻俛音免

何面目視息世間哉吾必欲殺之死

帥讀曰率下同

無所恨光泣曰是所望於將軍也孟才乃糾合恩舊

恩舊

與之有舊恩者帥所將數千人期以晨起將發時襲化及語洩

帥讀曰率  
洩息列翻

化及夜與腹心走出營外留人告司馬德戡

等使討之光聞營內諠知事覺即襲化及營空無所獲

值內史侍郎元敏數而斬之

數所具翻  
又所主翻

德戡引兵入圍

之殺光其麾下數百人皆鬪死一無降者

降戶江翻

孟才亦

死孟才鐵杖之子也

鐵杖死於  
度遼之役

武康沈法興

隋志武  
康縣屬

餘杭郡劉昫曰吳分烏程餘杭二縣立永安  
縣晉改為永康又改為武康唐分屬湖州

世為郡著

姓宗族數千家法興為吳興太守

守式  
又翻

聞宇文化及弑

逆舉兵以討化及為名

考異曰太宗實錄舊唐帝紀  
二月法興據丹陽起兵按法興

起兵討化及  
當在弒逆後

比至烏程得精卒六萬遂攻餘杭毗陵

丹陽皆下之

按烏程縣帶吳興郡沈法興既為吳興守而云舉兵至烏程者法興傳云大業末法

興為吳興郡守東陽賊樓世幹略其郡煬帝詔法興與太僕丞元祐討之義寧二年江都亂法興執祐舉兵名討宇文化及三月發東陽行收兵趨江都下餘杭北至烏程衆六萬如此則自東陽至烏程也比必寐翻

據

江表十餘郡自稱江南道大總管承制置百官 陳國

公竇抗唐王之妃兄也煬帝使行長城於靈武

行循行也音下

孟翻聞唐王定關中癸酉帥靈武鹽川等數郡來降

煬帝改靈

州為靈武郡鹽州為

夏四月稽胡寇富平

隋志富平縣屬京兆



郡杜佑曰稽胡一名步落稽蓋匈奴別種自離石以西安定以東方七八百里將軍王師仁擊

破之又五萬餘人寇宜春相國府諮議參軍竇軌將兵

討之戰於黃欽山

宜春當作宜君隋志宜君縣屬京兆郡有清水水經注清水出雲陽縣之

石門山東南流逕黃欽山西將即亮翻下同

稽胡乘高縱火官軍小却軌斬

其部將十四人拔隊中小校代之勒兵復戰

校戶教翻復扶又翻

軌自將數百騎居軍後令之曰聞鼓聲有不進者自後

斬之既而鼓之將士爭先赴敵稽胡射之不能止

騎奇寄翻

射而亦翻遂大破之虜男女二萬口

世子建成等至東都

軍於芳華苑東都閉門不出遣人詔諭不應李密出軍

爭之小戰各引去城中多欲為內應者趙公世民曰吾

新定關中根本未固雖得東都不能守也遂不受戊寅

引軍還

還從宣翻又音如字

世民曰城中見吾退必來追躡乃設

三伏於三王陵以待之

水經注三王陵在河南縣西南柏亭東北三王或言周景王悼

王定王也崔浩曰定當為敬子朝作亂西周政弱人荒悼敬二王與景王俱葬於此故世以三王名陵

段

達果將萬餘人追之遇伏而敗世民逐北抵其城下

東都

城下斬四千餘級遂置新安宜陽二郡

新安後周置中州及東垣縣隋廢州

改縣名宜陽後魏置郡隋開皇初廢  
為縣與新安皆屬河南郡今並置郡  
使行軍總管史萬

實盛彥師鎮宜陽

姓苑後漢西羌傳有北海太守盛苞其先姓與避元帝諱改姓盛余按戰

國策秦有盛橋則盛姓尚矣

呂紹宗任瓌將兵鎮新安而還

任音壬瓌古回

翻置二郡內以蔽關輔外以圖東都還從宣翻又如字

初五原通守櫟陽張長

遜煬帝改豐州為五原郡新唐書張長遜京兆櫟陽人隋志京兆無櫟陽縣櫟音藥守式又翻

以中

原大亂舉郡附突厥突厥以為割利特勒郝瑗說薛舉

厥九勿翻郝呼各翻瑗子眷翻說輸芮翻下同

與梁師都及突厥連兵以取長

安舉從之時啓民可汗之子咄苾

可從刊入聲汗音寒咄當沒翻苾毗必翻

號莫賀咄設建牙直五原之北舉遣使與莫賀咄設謀

入寇

咄當沒翻使疏吏翻下同

莫賀咄設許之唐王使都水監宇文

歆賂莫賀咄設

開皇初立都水臺置使者大業改為都水監改使者為監

且為陳利

害止其出兵又說莫賀咄設遣張長遜入朝以五原之

地歸之中國莫賀咄設並從之

為于偽翻咄當沒已卯翻朝直遙翻下同

武都宕渠五原等郡皆降

武都漢郡西魏置武州煬帝復為郡宕渠漢縣梁置渠州

煬帝改為宕渠郡此二郡與五原同日來降故連書之宕徒浪翻

王即以長遜為五原

太守

守式又翻

長遜又詐為詔書與莫賀咄設示知其謀莫

賀咄設乃拒舉師都等不納其使

使疏更翻

戊戌世子建

成等還長安

考異曰創業注在三月今從太宗實錄

東都號令不出四

門人無固志朝議郎段世弘等謀應西師會西師已還

西師為建成等之師還從宣翻又音如字

乃遣人招李密期以己亥夜納之

事覺越王命王世充討誅之密聞城中已定乃還 宇

文化及擁衆十餘萬據有六宮自奉養一如煬帝每於

帳中南面坐人有白事者嘿然不對下牙方取啓狀與

唐奉義牛方裕薛世良張愔等叅決之

劉馮事始曰兵書曰牙旗者將

軍之精凡始建牙必以制日制者其辰在五行以上剋下之日也又尚書曰門旗二口色紅八幅大將牙門之旗出引將軍前列又黃帝出軍決曰牙旗者將軍之精金枝者將軍之氣周禮司常職云軍旅會同置旌門夫以旌為門即旗門也後世軍中遂置牙門將又有牙兵典總此名者以押牙為名至於官府早晚軍吏兩謁亦名為衙呼謂既熟雖天子以少主浩付尚書省令衛士正殿受朝謁亦名正衙

十餘人守之

少始照翻

遣令史取其畫敕

隋門下省有錄事通事令史各六人

百官不復朝參至彭城水路不通復奪民車牛得二千

兩

復扶又翻朝直遙翻兩力讓翻

並載宮人珍寶其戈甲戎器悉令軍

士負之道遠疲劇軍士始怨司馬德戡竊謂趙行樞曰

君大謬誤我

行樞建言以化及為主

當今撥亂必藉英賢化及庸

暗羣小在側事將必敗若之何行樞曰在我等耳廢之

何難初化及既得政賜司馬德戡爵溫國公加光祿大

夫以其專統驍果心忌之後數日化及署諸將分部士

卒

驍堅亮翻將即亮翻

以德戡為禮部尚書外示美遷實奪其兵

柄德戡由是憤怨所獲賞賜皆以賂智及智及為之言

乃使之將後軍萬餘人以從

及為于偽翻將即亮翻從才用翻

於是德

戡行樞與諸將李本尹正卿宇文導師等謀以後軍襲

殺化及更立德戡為主遣人詣孟海公結為外助

孟海公據

曹州遷延未發待海公報許弘仁張愷知之以告化及化

及遣宇文士及陽為遊獵至後軍德戡不知事露出營

迎謁因執之化及讓之曰與公戮力共定海內出於萬

死今始事成方願共守富貴公又何反也德戡曰本殺

昏主苦其淫虐推立足下而又甚之逼於物情不得已

也化及縊殺之并殺其支黨十餘人孟海公畏化及之

彊帥眾具牛酒迎之

帥讀曰率下同

李密據鞏洛以拒化及

洛水



至鞏入河化及不得西引兵向東郡東郡通守王執以故曰鞏洛

城降之

守式又翻降戶江翻下同

辛丑李密將井陘王君廓帥衆來

降

隋志井陘縣屬恒山郡將即亮翻下同陘音刑帥讀曰率考異曰太宗實錄曰王君愕邯鄲人君廓冠

畧邯鄲君愕往投之因為君廓陳井陘之險勸先往據之君廓從其言屯井陘山歲餘會義師入定關中乃與君廓率所部萬餘人歸順拜大將軍與君廓事皆出太宗實錄而不同如此今據高祖實錄稱李密將王君廓降從君

廓傳

君廓本羣盜有衆數千人與賊帥韋寶鄧豹合

軍虞鄉

劉昫曰虞鄉縣漢鮮縣地後魏分置虞鄉縣隋志屬河東郡帥所類翻

唐王與李

密俱遣使招之

使疏吏翻

寶豹欲從唐王君廓偽與之同乘

其無備襲擊破之奪其輜重

重直用翻

奔李密密不禮之復

來降

復扶又翻

拜上柱國假河內太守

蕭銑即皇帝位置

百官準梁室故事謚其從父琮為孝靖皇帝

謚神至翻從才用翻

祖巖為河間忠烈王父璿為文憲王

璿音旋

封董景珍等

功臣七人皆為王遣宋王楊道生擊南郡下之徙都江

陵

煬帝改荊州為南郡江陵帶郡

修復園廟引岑文本為中書侍郎使

典文翰委以機密又使魯王張繡徇領南隋將張鎮周

王仁壽等拒之既而聞煬帝遇弒皆降於銑欽州刺史

寧長真亦以鬱林始安之地附於銑

煬帝改欽州為寧越郡長真刺史文

帝所命也鬱林郡梁定州也後改為南定州平陳改為尹州大業初改為鬱州尋改為郡又改桂州為始安郡

漢陽太守馮盎以蒼梧高涼珠崖番禺之地附於林士

弘新唐書馮盎傳曰隋仁壽初盎平潮成叛獠拜漢陽太守隋亡奔還嶺表據有諸郡蒼梧郡梁置成州開

皇初改為封州煬帝改為郡改高州為高涼郡銑士弘

崖州為珠崖郡番禺南海郡治番禺潘禺音愚

各遣人招交趾太守丘和

煬帝改交州為交趾郡

和不從銑遣寧

長真帥嶺南之兵自海道攻和

帥讀曰率下同

和欲出迎之司

法書佐高士廉

煬帝改郡諸司參軍為書佐

說和曰長真兵數雖多

懸軍遠至不能持久城中勝兵足以當之

說輸芮翻下同勝音升

柰何望風受制於人和從之以士廉為軍司馬將水陸

諸軍逆擊破之

將即亮翻

長真僅以身免盡俘其衆既而有

驍果自江都至

驍堅亮翻

得煬帝凶問亦以郡附於銑士廉

勸之子也

高勸北齊清河王岳之子勸音邁

始安郡丞李襲志遷哲之

孫也

李遷哲見一百七十七卷太建二年

隋末散家財募士得三千人以

保郡城蕭銑林士弘曹武徹迭來攻之皆不克聞煬帝

遇弒帥吏民臨三日

臨力鳩翻

或說襲志曰公中州貴族

按李

襲志之先隴西狄道人後為金州安久臨郿郡華夷悅  
康人此必出其家傳以門地自高耳

服今隋室無主海內鼎沸以公威惠號令嶺表尉佗之

業可坐致也

尉佗事見漢高  
帝紀佗徒何翻

襲志怒曰吾世繼忠貞今

江都雖覆宗社尚存尉佗狂僭何足慕也欲斬說者衆

乃不敢言堅守二年外無聲援城陷為銑所虜銑以為

工部尚書檢校桂州總管於是東自九江

煬帝改江州  
為九江郡

西抵三峽南盡交趾北距漢川

北漢川謂漢水以南之  
地非漢中之漢川郡

銑皆有之勝兵四十餘萬

勝音  
升

煬帝凶問至長安唐

王哭之慟曰吾北面事人失道不能救敢忘哀乎 五

月山南撫慰使馬元規擊朱粲於冠軍破之

冠軍縣屬南陽郡使

疏吏翻冠

王德仁既殺房彥藻

事見上二月

李密遣徐世

古玩翻

勳討之德仁兵敗甲寅與武安通守袁子幹皆來降詔

以德仁為鄴郡太守

煬帝改洛州為武安郡相州為魏郡此又改魏郡為鄴郡也守式又

翻

戊午隋恭帝禪位於唐遜居代邸

隋開皇元年受禪歲在辛丑三

主三十八年而亡

考異曰創

甲子唐王即皇帝位于

業注此詔在四月今從實錄

太極殿

即隋大興殿也唐既受禪改為太極殿

遣刑部尚書蕭造告天於

南郊大赦改元

改元 武德

罷郡置州以太守為刺史

大業三年改州

為郡推五運為土德色尚黃 隋煬帝凶問至東都戊辰留

守官奉越王即皇帝位

越王侗亦元德太子昭子

大赦改元皇泰是

時於朝堂宣旨以時鍾金革

朝直遙翻說文曰鍾當也

公私皆即日

大祥

大祥而禫

追諡大行曰明皇帝廟號世祖追尊元德太

子曰成皇帝廟號世宗尊母劉良娣為皇太后以段達

為納言陳國公王世充為納言鄭國公

隋制門下省納言二人元

文都為內史令魯國公皇甫無逸為兵部尚書杞國公

又以盧楚為內史令

隋初內史省置監令各一人尋廢置監令二人

郭文懿為

內史侍郎趙長文為黃門侍郎共掌朝政

長知兩翻朝直遙翻

時

人號七貴皇泰主眉目如畫溫厚仁愛風格儼然 辛

未突厥始畢可汗遣骨咄祿特勒來

厥九勿翻可從刊入聲汗音寒突厥

官子弟曰特

宴之於太極殿奏九部樂

杜佑曰武德初因隋舊制九部

勒咄當沒翻

樂一宴樂二清商三西涼四扶南五高麗六龜茲七安

國八疎勒九康國前一百八十一卷隋大業四年引杜

佑註九部樂與此不同又考宋祁新唐志唐有十部樂

有十四國技以八國入十部而不明指八國為何國此

亦異同而

時中國人避亂者多入突厥突厥彊盛東自

難考者也



契丹室韋西盡吐谷渾高昌諸國皆臣之

契歎訖翻又音契吐從瞰

入聲谷音浴

控弦百餘萬帝以初起資其兵馬前後餉遺不

可勝紀

遺于季翻勝音升

突厥恃功驕倨每遣使者至長安多

暴橫

使疏吏翻橫戶孟翻

帝優容之

壬申命裴寂劉文靜等修

定律令置國子太學四門生合三百餘員

唐六典國子生文武官三

品已上及國公子孫從二品已上曾孫太學生文武官

五品已上及郡縣公子孫從三品曾孫四門生文武官

七品已上及侯伯子男子若庶人子為俊士生者後魏

劉芳表云太和二十年立四門博士于四門置學按禮

記云天子設四學鄭玄注周四郊之虞庠也今

以其遼遠故置於四門請移與太學同處從之郡縣學

亦各置生員 六月甲戌朔以趙公世民為尚書令黃

臺公瑗為刑部侍郎

黃臺縣公東魏置黃臺縣於潁川大業初廢瑗子春翻

相國

府長史裴寂為右僕射知政事司馬劉文靜為納言司

錄實威為內史令李綱為禮部尚書參掌選事

長知兩翻選宣

絹翻掾殷開山為吏部侍郎

掾于絹翻

屬趙慈景為兵部侍郎

韋義節為禮部侍郎主簿陳叔達博陵崔民幹並為黃

門侍郎

煬帝改定州為博陵郡

唐儉為內史侍郎錄事參軍裴晞

為尚書左丞以隋民部尚書蕭瑀為內史令禮部尚書

竇瑋為戶部尚書

按六典貞觀二十三年避太宗諱始改民部尚書為戶部尚書史家以後

來官名書之也瑤

蔣公屈突通為兵部尚書

屈居

長安

音禹瑋則鄰翻

令獨孤懷恩為工部尚書瑗上之從子懷恩舅子也

才從

用上待裴寂特厚羣臣無與為比賞賜服玩不可勝紀

勝音

命尚書奉御日以御膳賜寂

尚書當作尚食六典尚食奉御二人屬殿

中省視朝必引與同坐入閣則延之卧内言無不從稱為

裴監而不名

寂仕隋為晉陽宮監親之以舊官稱之朝直遙翻

委蕭瑀以庶政

事無大小無不關掌瑀亦孜孜盡力絕違舉過人皆憚

之毀之者衆終不自理上嘗有敕而內史不時宣行

隋唐

之制凡王言下內史省皆宣署申覆而施行之

上責其遲瑀對曰大業之世內

史宣敕或前後相違有司不知所從其易在前其難在

後臣在省日久

瑀在隋朝為內史侍郎故云然易以歧翻

備見其事今王業

經始事繁安危遠方有疑恐失機會故臣每受一敕必

勘審使與前敕不違始敢宣行稽緩之愆寔由於此上

曰卿用心如是吾復何憂

復扶又翻

初帝遣馬元規慰撫

山南南陽郡丞河東呂子臧獨據郡不從

是年二月遣馬元規

元

規遣使數輩諭之

使疏  
吏翻

皆為子臧所殺及煬帝遇弒子

臧發喪成禮然後請降拜鄧州刺史

南陽郡復為鄧州  
降戶江翻下同

封南郡公

廢大業律令頒新格

上每視事自稱名

引貴臣同榻而坐劉文靜諫曰昔王導有言若太陽俯

同萬物使羣生何以仰照

事見九十卷晉  
元帝太興元年

今貴賤失位

非常久之道上曰昔漢光武與嚴子陵共寢子陵加足

於帝腹

事見後漢  
書嚴光傳

今諸公皆名德舊齒平生親友宿昔

之歡何可忘也公勿以為嫌

戊寅隋安陽令呂珉以

相州來降

隋安陽縣帶相州相息亮翻

以為相州刺史 己卯祔四

親廟主追尊皇高祖瀛州府君曰宣簡公皇曾祖司空

曰懿王皇祖景王曰景皇帝廟號太祖祖妣梁氏曰景烈皇

后皇考元王曰元皇帝廟號世祖妣獨孤氏曰元貞皇

后追謚妃竇氏曰穆皇后

瀛州府君熙司空天賜景王虎元王昞

每歲祀

昊天上帝皇地祇神州地祇以景帝配

神州地祇神州迎州冀州戎州

拾州柱州營州咸州陽州

感生帝明堂以元帝配

古者帝王

九州之祇也祇翹移翻

之興必感五精之氣以生隋以火德王祀赤  
燁怒為感帝唐以土德王祀含樞紐為感帝  
庚辰立世

子建成為皇太子趙公世民為秦王齊公元吉為齊王

宗室黃瓜公白駒為平原王

案白駒蓋先封黃瓜縣公黃瓜縣蓋拓拔魏所置在

上邽界水經注黃瓜水發源黃瓜谷西東流逕黃瓜縣北又東北歸於藉水藉水既與黃瓜水合又東逕上邽

城南蜀公孝基為永安王柱國道玄為淮陽王長平公叔

良為長平王鄭公神通為永康王安吉公神符為襄邑

王柱國德良為新興王上柱國博義為隴西王上柱國

奉慈為渤海王孝基叔良神符德良帝之從父弟博義

奉慈弟子道玄從父兄子也

從才用翻

癸未薛舉寇涇州

復以安定郡為涇州後魏置涇州治高平因涇水為名

以秦王世民為元帥將八

總管兵以拒之

帥所類翻  
將即亮翻

遣太僕卿宇文明達招慰

山東以永安王孝基為陝州總管

義寧初以河南陝縣為弘農郡今為陝州

陝失  
舟翻

時天下未定凡邊要之州皆置總管府以統數州

之兵 乙酉奉隋帝為鄜國公

鄜戶  
圭翻

詔曰近世以來時

運遷革前代親族莫不誅夷興亡之效豈伊人力其隋

蔡王智積等子孫並付所司量才選用

量音  
良

東都聞

宇文化及西來上下震懼有蓋琮者

蓋古蓋  
翻姓也

上疏請說



李密與之合勢拒化及

說輸芮翻

元文都謂盧楚等曰今讐

恥未雪而兵力不足若赦密罪使擊化及兩賊自鬪吾

徐承其弊化及既破密兵亦疲又其將士利吾官賞易

可離間

易以致翻間古覓翻

并密亦可擒也楚等皆以為然即以

琮為通直散騎常侍

散悉亶翻騎奇寄翻

齋勅書賜密

丙申隋

信都郡丞東萊麴稜來降拜冀州刺史

隋信都郡入唐為冀州東萊郡

為萊州宋白曰萊州古萊夷地春秋萊子之國齊滅萊以在國之東故曰東萊降戶江翻

萬年縣

法曹武城孫伏伽上表

周明帝二年分長安為萬年縣與長安並居京城隋改為大興

縣唐受禪復為萬年與長安並為赤縣萬年縣治宣揚坊領朱雀街東五十四坊長安縣治長壽坊領街西五十四坊隋煬帝改縣尉為縣正尋改正為戶曹法曹分司以丞郡之六司唐復為縣尉而六司各置佐史孫伏伽萬年法曹蓋隋官也武城縣漢之東武城也唐志屬貝州伽求加翻

以為隋以惡聞其

過亡天下陛下龍飛晉陽遠近響應未朞年而登帝位

徒知得之之易不知隋失之之難也

惡烏路翻易以鼓翻下同

臣

謂宜易其覆轍務盡下情凡人君言動不可不慎竊見

陛下今日即位而明日有獻鵠雛者此乃少年之事豈

聖主所須哉

鵠弋名翻少詩詔翻

又百戲散樂亡國淫聲

百戲散樂齊周

隋所以亡國

近太常於民間借婦女裙襦五百餘襲

人襦

散悉亶翻

朱以充妓衣

妓渠綺翻

擬五月五日玄武門遊戲此亦非所

以為子孫法也凡如此類悉宜廢罷善惡之習朝夕漸

染漸子廉翻易以移人皇太子諸王參僚左右宜謹擇其人

其有門風不能雍穆為人素無行義專好奢靡以聲色

遊獵為事者皆不可使之親近也

行下孟翻好呼到翻近其靳翻

自古

及今骨肉乖離以至敗國亡家未有不因左右離間而

然也

間古覓翻

願陛下慎之上省表大悅

省悉景翻

下詔褒稱擢

為治書侍御史

治直之翻

賜帛三百匹仍頒示遠近 辛丑

內史令延安靖公竇威薨以將作大匠竇抗兼納言黃

門侍郎陳叔達判納言

兼判皆非正官

宇文化及留輜重於

滑臺

滑臺滑州治所重直用翻

以王軌為刑部尚書使守之引兵北

趣黎陽

趣七喻翻又逡須翻

李密將徐世勣據黎陽畏其軍鋒以

兵西保倉城

將即亮翻

化及度河保黎陽分兵圍世勣密帥

步騎二萬壁於清淇

汲郡之衛縣古朝歌也隋開皇十六年分置清淇縣大業初廢入衛

縣李密蓋壁于故縣也

與世勣以烽火相應深溝高壘不與化及

戰化及每攻倉城密輒引兵以掎其後

掎居豈翻

密與化及

隔水而語

隔淇水也

密數之曰卿本匈奴隸破野頭耳

隋書

宇文述傳本姓破野頭役屬鮮卑侯豆歸從其主為宇文氏數所具翻

父兄子弟並受隋

恩富貴累世舉朝莫二

朝直遙翻

主上失德不能死諫反行

弑逆欲規篡奪不追諸葛瞻之忠誠

諸葛瞻亮之子蜀之亡也瞻死之

乃為霍禹之惡逆

霍禹光之子漢宣親政禹謀為大逆遂以滅族

天地所不容

將欲何之若速來歸我尚可得全後嗣化及默然俯視

良久瞋目大言曰與爾論相殺事何須作書語邪

嗣祥吏翻

瞋昌真翻  
邪音耶

密謂從者曰

從才用翻

化及庸愚如此忽欲圖為

帝王吾當折杖驅之耳化及盛修攻具以逼倉城世勣於城外掘深溝以固守化及阻塹不得至城下世勣於塹中為地道出兵擊之

塹七艷翻

化及大敗焚其攻具時密

與東都相持日久又東拒化及常畏東都議其後見蓋

琮至大喜遂上表乞降

蓋古盍翻上時掌翻降戶江翻

請討滅化及以

贖罪送所獲雄武郎將于洪建

煬帝募驍果置左右雄武府雄武郎將以領之

也將即亮翻

遣元帥府記室參軍李儉上開府徐師譽等入

見皇泰主命戮洪建於左掖門外如斛斯政之法

戮斛斯政

見一百八十二卷大業十年帥所類翻下同見賢遍翻下同

元文都等以密降為誠

實盛飾賓館於宣仁門東

六典東都東城在皇城之東東曰宣仁門

皇泰主

引見儉等以儉為司農卿師譽為尚書右丞使具導從

列饒吹

從才用翻饒女交翻似鈴無舌吹昌瑞翻

還館玉帛酒饌中使相望

饌雖戀翻又士免翻

冊拜密太尉尚書令東南道大行臺行軍元

帥魏國公令先平化及然後入朝輔政

朝直遙翻

以徐世勣

為右武侯大將軍仍下詔稱密忠款且曰其用兵機略

一稟魏公節度元文都喜於和斛謂天下可定於上東

門置酒作樂

六典東都城東面三門中曰建春南曰永通北曰上東

自段達已下

皆起舞王世充作色謂起居侍郎崔長文曰

六典起居郎因起居

注以為名起居注者記錄人君動止之事漢獻帝及西晉已後諸帝皆有起居注皆史官所錄自隋置為職員列為侍臣專掌其事每季為卷送付史官按隋志煬帝減內史舍人員加置起居舍人員然未有侍郎起居侍郎始見於此

朝廷官爵乃以與賊其志欲何為邪

邪音耶

文都等亦疑世充欲以城應化及由是有隙然猶外相彌縫陽為親善秋七月皇泰主遣大理卿張權鴻臚卿



崔善福賜李密書曰今日以前咸共刷蕩

臚如陵翻

使至以

後

使疏吏翻

彼此通懷七政之重佇公匡弼

日月五星謂之七政佇待也

九伐之利委公指揮

周官大司馬以九伐之法正邦國

權等既至密北

面拜受詔書既無西慮

密軍在鞏洛東都城在西

悉以精兵東擊化

及密知化及軍糧且盡因偽與和化及大喜恣其兵食

冀密饋之會密下有人獲罪亡抵化及具言其情化及

大怒其食又盡乃度永濟渠與密戰于童山之下

隋志汲郡

衛縣有同山

自辰達酉密為流矢所中墮馬悶絕左右奔散

追兵且至唯秦叔寶獨捍衛之密由是獲免叔寶復收

兵與之力戰化及乃退

中竹仲翻復扶又翻

化及入汲郡求軍糧

又遣使拷掠東郡吏民以責米粟

使疏吏翻拷音考掠音亮

王軌等

不堪其弊遣通事舍人許敬宗詣密請降

隋內書省有通事舍人十

六人降戶江翻以軌為滑州總管

改東郡為滑州滑州治白馬春秋衛之漕邑宋魏兵爭以

滑臺為重鎮隋開皇三年置滑州取滑臺為名也

以敬宗為元帥府記室與魏

徵共掌文翰敬宗善心之子也

善心死於江都之難

房公蘇威在

東郡隨衆降密密以其隋氏大臣虛心禮之威見密初

不言帝室艱之唯再三舞蹈稱不圖今日復覩聖明時

人鄙之化及聞王軌叛大懼自汲郡引兵欲取以北諸

郡其將陳智畧帥嶺南驍果萬餘人樊文超帥江淮排

積將即亮翻帥讀曰率積作管翻張童兒帥江東驍果數千人皆降於

密文超子蓋之子也樊子蓋事煬帝有守東都之功化及猶有衆二萬

北趣魏縣隋志魏縣屬武陽郡時李密改武陽郡為魏州趣七喻翻又逡須翻密知其無

能為西還輦洛留徐世勣以備之乙巳宣州刺史周

超擊朱粲敗之宣州疑當作宜州敗補邁翻下同丁未梁師都寇靈州復

靈武郡為靈州宋白曰靈州漢富平縣地後魏孝昌二年置靈州

驃騎將軍藺興衆擊

破之

義師初起改隋鷹揚郎將曰軍頭尋改軍頭曰驃騎將軍驃匹妙翻騎奇寄翻

突厥闕

可汗遣使內附

西突厥闕度設處於會寧隋亂自稱可汗使疏吏翻可從列入聲汗音寒初

闕可汗附於李軌隋西戎使者曹瓊據甘州誘之

西戎使者

蓋隋煬帝所置宋白曰西魏廢帝二年以張掖為甘州隋大業以為張掖郡唐復以張掖郡為甘州誘音酉

乃更附瓊與之拒軌為軌所敗竄於達斗拔谷與吐谷

渾相表裏

敗補邁翻吐從瞰入聲谷音浴

至是內附尋為李軌所滅

薛舉進逼高城

新志寧州定平縣有高城城章恕翻

遊兵至於豳岐

唐復

以北地郡為幽州扶風郡為岐州詳見下卷

秦王世民深溝高壘不與戰會

世民得瘡疾

瘡魚約翻

委軍事於長史納言劉文靜

劉文靜以納言

為秦王行軍長

史長知兩翻司馬殷開山

殷開山以吏部侍郎為行軍司馬

且戒之

曰薛舉懸軍深入食少兵疲若來挑戰

少始治翻挑徒了翻

慎勿

應也俟吾疾愈為君等破之

為于偽翻

開山退謂文靜曰王

慮公不能辦故有此言耳且賊聞王有疾必輕我宜曜

武以威之乃陳於高墪西南

陳讀曰陣

恃衆而不設備舉潛

師掩其後士子戰于淺水原

新志幽州宜祿縣有淺水原

八總管皆

敗士卒死者什五六將軍慕容羅睺李安遠劉弘基

皆沒世民引兵還長安舉遂拔高墪收唐兵死者為京

觀

觀古  
玩翻

文靜等皆坐除名

乙卯榆林賊帥郭子和遣

使來降

帥所類翻使疏吏  
翻下同降戶江翻

以為靈州總管

李密每戰

勝必遣使告捷於皇泰主隋人皆喜王世充獨謂其麾

下曰元文都輩刀筆吏耳吾觀其勢必為李密所擒且

吾軍士屢與密戰沒其父兄子弟前後已多一旦為之

下吾屬無類矣欲以激怒其眾文都聞之大懼與盧楚

等謀因世充入朝伏甲誅之

朝直遙翻

段達性庸懦

懦奴過翻又奴

亂翻

恐其事不就遣其壻張志以楚等謀告世充戊午夜

三鼓世充勒兵襲含嘉門

含嘉門蓋以通含嘉城而名考異曰河洛記初元文都

欲自為御史盧楚等為宣詔王世充固執以為不可乃止文都大恨盧楚私謂文都曰王世充是外軍一將非留守達官比者領軍屢為奔徙吾方邨外姦且從捨過翻更宰制人事跋扈縱橫此而不除恐為國患文都曰善未可即殺且欲當朝上奏御前縛之鑠繫于獄楚曰善文都懷奏入殿臨欲施行趙季卿私告之世充遂奔含嘉以作亂是時宮中亦遣使傳報世充為皇姨故也初世充妻蕭氏早亡後有胡氏者復在江都皇泰主乃以皇姨嫁之至是爭權遂起兵馬文都等令趙方海前後追世充世充乃托疾不受召按世充正為與文都爭李

密事相誅耳恐事不因此今不取

元文都聞變入奉皇泰主御乾陽殿

乾陽殿隋東都宮正殿

陳兵自衛命諸將閉門拒守

將即亮翻

將軍跋

野綱將兵出遇世充下馬降之

跋野虜複姓

將軍費曜田閣

戰于門外不利

費父沸翻閣視遮翻又音都

文都自將宿衛兵欲出

玄武門以襲其後

玄武門宮城北門

長秋監段瑜

煬帝大業三年改內侍省

為長秋監

稱求門鑰不獲稽留遂久天且曙文都復欲引兵

出太陽門逆戰還至乾陽殿世充已攻太陽門得入

按舊

書王世充傳太陽門宮城東門

皇甫無逸棄母及妻子斫右掖門西奔



長安

六典皇城在都城西北隅南面三門中曰端門左曰左掖右曰右掖

盧楚匿於太官

署

太官署在光祿寺百僚廨署皆在皇城之內

世充之黨擒之至興教門見

世充

皇宮南面三門左曰興教

世充令亂斬殺之進攻紫微宮門皇

泰主使人登紫微觀

觀門闕也音古玩翻

問稱兵欲何為世充下

馬謝曰元文都盧楚等橫見規圖

橫戶孟翻

請殺文都甘從

刑典段達乃令將軍黃桃樹執送文都文都顧謂皇泰

主曰臣今朝死陛下夕至矣皇泰主慟哭遣之出興教

門亂斬如盧楚并殺盧元諸子段達又以皇泰主命開

門納世充世充悉遣人代宿衛者然後入見皇泰主於

乾陽殿

見賢通  
翻下同

皇泰主謂世充曰擅相誅殺曾不聞奏

豈為臣之道乎公欲肆其強力敢及我邪

邪音耶

世充拜

伏流涕謝曰臣蒙先皇采拔粉骨非報文都等包藏禍

心欲召李密以危社稷疾臣違異深積猜嫌臣迫於救

死不暇聞奏若內懷不臧違負陛下天地日月實所照

臨使臣闔門殄滅無復遺類

復扶  
又翻

詞淚俱發皇泰主以

為誠引令升殿與語久之因與俱入見皇太后

皇泰主  
之母劉

良娣世充被髮為誓稱不敢有貳心被皮義翻乃以世充為左

僕射總督內外諸軍事比及日中比必寐翻捕獲趙長文郭

文懿殺之二人蓋盧元之黨長知兩翻然後巡城告諭以誅元盧之

意世充自含嘉城移居尚書省漸結黨援恣行威福用

兄世惲為內史令惲於粉翻入居禁中子弟咸典兵馬分政

事為十頭悉以其黨主之勢震內外莫不趨附皇泰主

拱手而已李密將入朝朝直遙翻至溫隋志溫縣屬河內郡聞元文

都等死乃還金墉東都大饑私錢濫惡太半雜以錫鑲

隋開皇初見用之錢皆須和以錫鑠錫鑠既賤求利者多私鑄之錢不可禁約乃詔禁出錫鑠之處不得私採立榜置樣錢不中樣者不入于市大業之季王綱弛紊私鑄益多錢轉薄惡初馬約千猶重二斤漸輕至一斤或剪鐵鏹裁皮糊紙以為錢相雜用之錢鏹固宜多矣鏹戶闕翻其細如線米斛直錢

八九萬 初李密嘗受業於儒生徐文遠文遠為皇泰

主國子祭酒自出樵採為密軍所執密令文遠南面坐

備弟子禮北面拜之文遠曰老夫既荷厚禮

荷下可翻

敢不

盡言未審將軍之志欲為伊霍以繼絕扶傾乎則老夫雖遲暮猶願盡力若為莽卓乘危邀利則無所用老夫

矣密頓首曰昨奉朝命備位上公

朝直遙翻下同

冀竭庸虛匡

濟國難

難乃旦翻

此密之本志也文遠曰將軍名臣之子

李密

寬之子寬為周

將以驍勇著名

失塗至此若能不遠而復猶不失為忠

義之臣及王世充殺元文都等密復問計於文遠

復扶又翻

文

遠曰世充亦門人也其為人殘忍褊隘既乘此勢必有

異圖將軍前計為不諧矣非破世充不可入朝也

朝直遙翻

密曰始謂先生儒者不達時事今乃坐決大計何其明

也文遠孝嗣之玄孫也

徐孝嗣相蕭齊

庚申詔隋氏離宮遊

幸之所並廢之 戊辰遣黃臺公瑗安撫山南

瑗于  
眷翻

己巳以隋右武衛將軍皇甫無逸為刑部尚書 隋河

間郡丞王琮守郡城以拒羣盜

琮祖  
宗翻

竇建德攻之歲餘

不下聞煬帝凶問帥吏士發喪乘城者皆哭建德遣使

弔之琮因使者請降

帥讀曰率使疏吏  
翻降戶江翻下同

建德退舍具饌

以待之琮言及隋亡俯伏流涕建德亦為之泣

饌雖戀  
翻又雖

皖翻為  
于偽翻

諸將曰琮久拒我軍殺傷甚衆力盡乃降請烹

之建德曰琮忠臣也吾方賞之以勸事君奈何殺之往

在高鷄泊為盜容可妄殺人今欲安百姓定天下豈得

害忠良乎乃徇軍中曰先與王琮有怨敢妄動者夷三

族以琮為瀛州刺史

復以河間郡為瀛州宋白曰瀛州漢為河間國後漢為樂成國後魏

於樂成縣立瀛州取瀛海為名

於是河北郡縣聞之爭附於建德

盜亦有道

宣欺我哉

先是建德陷景城執戶曹河東張玄素將殺之

景城

縣隋志屬河間郡舊曰成平開皇十八年改名張玄素為縣戶曹也先悉薦翻

縣民千餘人號

泣請代其死

號戶刀翻

曰戶曹清慎無比大王殺之何以勸

善建德乃釋之以為治書侍御史固辭及江都敗復以

為黃門侍郎玄素乃起

史言隋之故官漸就仕於他姓治直之翻復扶又翻

饒陽

令宋正本

隋志饒陽縣屬河間郡

博學有才氣說建德以定河北

之策

說輸芮翻

建德引為謀主建德定都樂壽

隋志樂壽縣屬河間郡舊

曰樂城開皇十八年改為廣城仁壽初改今名劉昫曰

後魏移縣東北近古樂縣亭因改為樂壽焉按瀛州河

間郡時治樂壽宋白曰太和十一年河間郡自樂城移

理於今樂壽縣西一里樂壽亭城隋開皇廢郡置瀛州

大業廢州為河

命所居曰金城宮備置百官

間郡樂音洛



資治通鑑卷一百八十五

欽定四庫全書

總校官庶吉士臣侍朝

校對官檢討臣龔大萬

謄錄監生臣李士勲

欽定四庫全書薈要

史部

資治通鑑卷一百八十六

七



詳校官編修臣汪鏞

欽定四庫全書薈要卷七千一百七十二

史部

資治通鑑卷一百八十六 宋 司馬光 撰

胡三省 音註

唐紀二

起著雍攝提格八月  
盡十二月不滿一年

高祖神堯大聖光孝皇帝上之中

武德元年八月薛舉遣其子仁果進圍寧州

西魏置寧州於定安

置豳州於新平隋志并定安新平二縣皆屬北地郡大業初廢新平之豳州改定安之寧州為豳州唐初析北地之新平三水置豳州而刺史胡演擊却之郝瑗言於以北地郡為寧州治定安

舉曰

郝呼各翻  
璦于眷翻

今唐兵新破關中騷動宜乘勝直取長

安舉然之會有疾而止辛巳舉卒

卒子  
恤翻

太子仁果立居

於折墪城

新志涇州保定縣有折墪故城折  
杜佑作析音思歷翻墪章恕翻

謚舉曰武

帝

上欲與李軌共圖秦隴

薛舉父子  
時據秦隴

遣使潛詣涼州

復武威郡為涼州宋白曰涼州之地本月氏居之後為

匈奴右地漢武帝置涼州兼統河隴之地而河西之地

列置武威酒泉敦煌張掖四郡東都之季河西諸郡以

去州隔遠自求立州為立雍州晉惠帝末張軌為涼州

刺史治姑臧為會府後分置諸州而

武威始專涼州之名使疏吏翻下同招撫之與之書謂

之從弟

從才  
用翻

軌大喜遣其弟懋入貢上以懋為大將軍

命鴻臚少卿張俟德冊拜軌為涼州總管封涼王

臚陵如翻

少詩照翻

初朝廷以安陽令呂珉為相州刺史更以相州

刺史王德仁為巖州刺史

是年五月王德仁來降先受朝命德仁未能有相州也六

月呂珉以相州來降故正授之新志以林慮縣置巖州正德仁所據地朝廷直遙翻相息亮翻

德仁由

是怨憤甲申誘山東大使宇文明達入林慮山而殺之

誘音酉慮音慮

叛歸王世充已丑以秦王世民為元帥

帥所類翻

擊薛仁果

丁酉臨洮等四郡來降

後周武帝遜吐谷渾以置洮陽郡尋

置洮州大業初改州為臨洮郡洮土刀翻

隋江都太守陳稜求得煬帝之

柅取宇文化及所留輦輅鼓吹粗備天子儀衛

宇式又翻柅音

舊吹昌瑞翻粗坐五翻

改葬於江都宮西吳公臺下

今揚州城西北有雷塘塘

西有吳公臺相傳以為陳吳明徽攻廣陵所築弩臺以射城中

其王公以下皆列瘞於

帝塋之側

瘞於計翻塋音營

宇文化及之發江都也

是年四月化及

發江都

以杜伏威為歷陽太守

義寧元年春伏威據歷陽

伏威不受仍

上表於隋皇泰主拜伏威為東道大總管封楚王沈法

興亦上表於皇泰主自稱大司馬錄尚書事天門公

上時

掌承制置百官以陳杲仁為司徒

新書作陳杲仁

孫士漢為司

空蔣元超為左僕射殷芊為左丞徐令言為右丞劉子

翼為選部侍郎李百藥為府掾百藥德林之子也

李德林歷

事齊周隋選宣

九月隋襄國通守陳君賓來降拜邢

絹翻掾于絹翻

州刺史

復以襄國郡為邢州宋白曰邢州禹貢衡漳之地春秋邢侯之國邢遷于夷儀即其地秦蕪天

下于此置信都郡項羽改曰襄國蓋以趙襄子謚名之也石氏置襄國郡隋置邢州取古邢國為名守式又翻

降戶

君賓伯山之子也

伯山陳文帝之子

虞州刺史韋義節

江翻

義寧元年以安邑虞鄉夏三縣

攻隋河東通守堯君素

置安邑郡武德元年曰虞州

久不下軍數不利

數所角翻

壬子以工部尚書獨孤懷恩代



之初李密既殺翟讓

見一百八十四卷義寧元年十一月翟讓伯翻

頗自驕

矜不恤士衆倉粟雖多無府庫錢帛戰士有功無以為

賞又厚撫初附之人衆心頗怨徐世勣嘗因宴會刺譏

其短密不憚使世勣出鎮黎陽雖名委任實亦疎之

此叙

密致敗之由密開洛口倉散米無防守典當者

當主當也當丁

浪翻又無文券取之者隨意多少或離倉之後

離力

力不

能致委棄衢路自倉城至郭門

郭郭郭也

米厚數寸

厚戶

為

車馬所輜踐

輜良又翻踐慈演翻

羣盜來就食者并家屬近百萬

口 近其  
新翻

無甕盎織荆筐淘米洛水十里兩岸之間望之

皆如白沙密喜謂賈閏甫曰此可謂足食矣閏甫對曰

國以民為本民以食為天今民所以襁負如流而至者

以所天在此故也

襁居  
兩翻

而有司曾無愛吝屑越如此

吝

也屑越猶言狼籍而弃之也荀子曰貨財粟米者彼將  
日月棲遲薛越之中野我今將畜積并聚之於倉廩

竊恐一旦米盡民散明公孰與成大業哉密謝之即以

閏甫判司倉叅軍事密以東都兵數敗微弱而將相自

相屠滅謂旦夕可平王世充既專大權厚賞將士繕治

器械亦陰圖取密時隋軍乏食而密軍少衣

數所角翻  
將即亮翻

治直之翻  
少詩治翻

世充請交易密難之長史邴元真等各求私

利

邴即古丙姓  
長知兩翻

勸密許之先是東都人歸密者日以百

數

先悉  
薦翻

既得食降者益少密悔而止密破宇文化及還

還從  
宣翻

其勁卒良馬多死士卒疲病世充欲乘其弊擊之

恐人心不壹乃詐稱左軍衛士張永通三夢周公令宣

意於世充當勒兵相助擊賊乃為周公立廟

周公作洛  
世充假之

以作士氣令力丁  
翻下同為于偽翻

每出兵輒先祈禱世充令巫宣言周

公欲令僕射急討李密當有大功不即兵皆疫死

不讀曰否

世充兵多楚人信妖言皆請戰

妖於驕翻

世充簡練精銳得

二萬餘人馬二千餘匹壬子出師擊密旗幟之上皆書

永通字軍容甚盛

以張永通宣周公之意故旗幟書永通字以表神助

癸丑至偃

師營於通濟渠南作三橋於渠上

通濟渠大業元年所開

密留王

伯當守金墉自引精兵出偃師阻邙山以待之密召諸

將會議

將即亮翻

裴仁基曰世充悉衆而至洛下必虛可分

兵守其要路令不得東簡精兵三萬傍河西出以逼東

都

傍步浪翻

世充還

還從宣翻

我且按甲世充再出我又逼之如

此則我有餘力彼勞奔命破之必矣密曰公言大善今

東都兵有三不可當兵仗精銳一也決計深入二也食

盡求戰三也我但乘城固守蓄力以待之彼欲鬪不得

求走無路不過十日世充之頭可致麾下陳智略樊文

超單雄信皆曰計世充戰卒甚少屢經摧破悉已喪膽

少詩沼翻  
喪息浪翻

兵法曰倍則戰況不啻倍哉且江淮新附之

士望因此機展其勲效及其鋒而用之可以得志於是

諸將諠然欲戰者十七八密惑於衆議而從之

將即亮翻

仁

基苦爭不能得擊地歎曰公後必悔之魏徵言於長史

鄭題曰魏公雖驟勝而驍將銳卒多死

長知兩翻題佗鼎翻驍堅克翻

將即亮翻下同

戰士心急此二者難以應敵且世充乏食志在

死戰難與爭鋒未若深溝高壘以拒之不過旬月世充

糧盡必自退追而擊之蔑不勝矣題曰此老生之常談

耳徵曰此乃奇策何謂常談拂衣而起程知節將內馬

軍與密同營在北邙山上單雄信將外馬軍營於偃師

城北

單慈  
淺翻

世充遣數百騎度通濟渠攻雄信營密遣裴

行儼與知節助之行儼先馳赴敵中流矢墜于地

騎奇  
寄翻

下同  
竹仲翻

知節救之殺數人世充軍披靡

披普  
彼翻

乃抱行儼

重騎而還

重直龍翻二人共騎一馬  
曰重騎還從宣翻又如字

為世充騎所逐刺

槩洞過知節迴身捩折其槩

刺七亦翻槩色角翻捩練  
結翻拗捩也折而設翻

兼斬追者與行儼俱免會日暮各斂兵還營密驍將孫

長樂等千餘人皆被重創

驍堅堯翻樂音洛被  
皮義翻創初良翻

密新破

宇文化及有輕世充之心不設壁壘世充夜遣二百餘

騎潛入北山

北山即北印山

伏谿谷中命軍士皆秣馬蓐食甲

寅旦將戰世充誓衆曰今日之戰非直爭勝負死生之

分在此一舉若其捷也富貴固所不論若其不捷必無

一人獲免所爭者死非獨為國

偽為于翻

各宜勉之遲明

遲直翻

二翻引兵薄密密出兵應之未及成列世充縱兵擊之世

充士卒皆江淮剽勇

剽匹妙翻

出入如飛世充先索得一人

貌類密者縛而匿之

索山客翻

戰方酣使牽以過陳前

陳讀曰陣

諜曰已獲李密矣

考異曰革命記曰世充先於衆中覓得一人眉目狀似李密者陰畜之



而不令出師至偃師城下與李密未大相接遽令數十  
騎馳將所畜人頭來云殺得李密充佯不信遣衆共看  
咸言是密頭也遂於城下勒兵擲頭與城中人  
城中人亦言是密頭也遂以城降今從壺關錄

士卒皆

呼萬歲其伏兵發乘高而下馳壓密營縱火焚其廬舍

密衆大潰其將張童仁陳智略皆降

壓於甲翻將即亮  
翻降戶江翻下同

密與萬餘人馳向洛口世充夜圍偃師鄭頊守偃師其部

下翻城納世充初世充家屬在江都隨宇文化及至滑

臺又隨王執入李密密留於偃師欲以招世充及偃師

破世充得其兄世偉子玄應虔恕瓊等又獲密將佐裴

仁基鄭顥祖君彥等數十人世充於是整兵向洛口得

邴元真妻子鄭虔象母及密諸將子弟皆撫慰之令潛

呼其父兄

令力丁翻

初邴元真為縣吏坐贓亡命從翟讓於

瓦岡

翟讓伯翻

讓以其嘗為吏使掌書記及密開幕府妙選

時英讓薦元真為長史密不得已用之

此義寧元年春二月事長知兩

翻

行軍謀畫未嘗參預密西拒世充留元真守洛口倉

元真性貪鄙宇文溫謂密曰不殺元真必為公患密不  
應元真知之陰謀叛密楊慶聞之以告密密固疑焉至

是密將入洛口城元真已遣人潛引世充矣密知而不

發因與衆謀待世充兵半濟洛水然後擊之世充軍至

密候騎不時覺比將出戰

比必寐翻

世充軍悉已濟矣單雄

信等又勒兵自據密自度不能支

度徒洛翻

帥麾下輕騎奔

虎牢元真遂以城降

降戶江翻

初雄信驍捷善用馬槊名冠

諸軍

帥讀曰率下同冠古玩翻

軍中號曰飛將

將即亮翻

彥藻以雄信輕

於去就勸密除之

彥藻房彥藻也是年二月彥藻死此亦叙日前事

密愛其才

不忍也及密失利雄信遂以所部降世充

史叙邴元真單雄信事皆

言李密當斷不  
斷反受其亂

密將如黎陽或曰殺翟讓之際徐世勣

幾死

事見一百八十四卷義寧元年十一月幾居希翻

今失利而就之安可保

乎時王伯當棄金墉保河陽密自虎牢歸之引諸將共

議密欲南阻河北守太行東連黎陽以圖進取

將即亮翻行戶

剛翻

諸將皆曰今兵新失利衆心危懼若更停留恐叛亡

不日而盡又人情不願難以成功密曰孤所恃者衆也

衆既不願孤道窮矣欲自刎以謝衆

刎扶粉翻

伯當抱密號

絕

號戶刀翻

衆皆悲泣密復曰

復扶又翻

諸君幸不相棄當共歸

關中密身雖無功諸君當保富貴府掾柳燮曰明公與唐

公同族兼有疇昔之好

謂自唐公起與之連和也掾于絹翻好呼到翻

雖不陪

起兵然阻東都斷隋歸路

斷丁管翻

使唐公不戰而據長安

此亦公之功也衆咸曰然密又謂王伯當曰將軍室家

重大豈復與孤俱行哉伯當曰昔蕭何盡帥子弟以從

漢王

漢王與項羽相拒蕭何悉遣子弟詣軍天下既定論功行封上曰何舉宗數十人隨我復扶又翻下

同伯當恨不兄弟俱從

從才用翻

豈以公今日失利遂輕去

就乎縱身分原野亦所甘心左右莫不感激從密入關

者凡二萬人於是密之將帥州縣多降於隋朱粲亦遣

使降隋

將即亮翻帥所類翻降戶江翻使疏吏翻

皇泰主以粲為楚王

甲

寅秦州總管竇軌擊薛仁果不利驃騎將軍劉感鎮涇

州宋白曰魏黃初中分隴右為秦州因秦初封也與州同理冀城冀城改為隴城縣時復以隴西郡為秦州

安定郡為涇州驃匹妙翻騎奇寄翻

仁果圍之城中糧盡感殺所乘馬以

分將士感一無所噉唯煮馬骨取汁和木屑食之城垂

陷者數矣

數所角翻

會長平王叔良將士至涇州

士當作兵

仁果

乃揚言食盡引兵南去乙卯又遣高墪人偽以城降

墪章

怒翻

考異曰寶錄云乙卯字文

叔良遣感帥衆赴之

歆攻高撫城下之今從劉感傳

帥讀曰

已未至城下扣城中人曰賊已去可踰城入感

率下同

命燒其門城上下水灌之感知其詐遣部兵先還自帥

精兵為殿

帥讀曰率  
殿丁練翻

俄而城上舉三烽仁杲兵自南原

大下戰於百里細川唐軍大敗感為仁杲所擒仁杲復

圍涇州令感語城中云

語牛倨翻

援軍已敗不如早降

降戶江翻

感許之至城下大呼曰

呼火故翻

逆賊饑餒亡在旦夕秦王

帥數十萬衆四面俱集城中勿憂勉之仁杲怒執感於

城旁埋之至膝馳騎射之至死

帥讀曰率騎奇寄翻射而亦翻

聲色逾

厲叔良嬰城固守僅能自全感豐生之孫也

劉豐生高齊將死於

穎川 庚申隴州刺史陝人常達

隋志扶風汧源縣西魏之東秦州也後改為隴

州大業三年廢州併入扶風郡義寧二年析扶風郡之汧源汧陽南由安定郡之華亭置隴東郡唐受禪改為

隴州陝擊薛仁果於宜祿川

宜祿川在豳涇二州間貞觀二年析豳之新平及涇

失冉翻之保定靈臺

斬首千餘級 上遣從子襄武公琛

從才用翻

琛丑

太常卿鄭元璫

璫殊玉翻

以女妓遺始畢可汗

妓渠綺翻遺于

季翻可從刊 入聲汗音寒

壬戌始畢復遣骨咄祿特勒來

上受禪之後骨咄祿



嘗來使復扶又

翻咄當沒翻

癸亥白馬道士傅仁均

白馬縣帶滑州

造戊

寅歷成

唐受禪建國歲在戊寅故以名歷

奏上行之

上時掌翻

薛仁果屢

攻常達不能克乃遣其將件士政以數百人詐降

件姓也姓

范件姓望出襄陽急就章有件終古將即亮翻件音疑古翻降戶江翻下同

達厚撫之乙丑

士政伺隙以其徒劫達擁城中二千人降於仁果

伺相吏翻

考異曰新舊唐書皆云薛舉遣件士政偽降達士政劫達以見舉據實錄薛舉前已死此月達再擊仁果及士政劫達皆有日月今從實錄達見仁果詞色不屈仁果壯而釋之奴

賊帥張貴謂達曰汝識我乎

帥所類翻

達曰汝逃死奴賊耳

貴怒欲殺之人救之得免 辛未追謚隋太上皇為煬

帝

謚神至翻

宇文化及至魏縣張愷等謀去之事覺化及

殺之腹心稍盡兵勢日蹙兄弟更無他計但相聚酣宴

奏女樂化及醉尤智及曰

酣戶甘翻尤責過也

我初不知由汝為

計強來立我

智及創謀弑逆故尤之強其兩翻

今所向無成士馬日散

負弑君之名天下所不容今者滅族豈不由汝乎持其

兩子而泣智及怒曰事捷之日初不賜尤及其將敗乃

欲歸罪何不殺我以降竇建德數相鬪閱

降戶江翻數所角翻閱許

激翻恨也疾也

言無長幼醒而復飲以此為恒

恒常也長知兩翻復扶又翻恒

戶登翻

其衆多亡化及自知必敗嘆曰人生固當死豈不

一日為帝乎於是鳩殺秦王浩即皇帝位於魏縣國號

許

宇文化及襲封許公因以為國號

改元天壽署置百官

冬十月壬

申朔日有食之 戊寅宴突厥骨咄祿引骨咄祿升御

坐以寵之

史言突厥驕倨唐祖欲以結其心適以滋其慢厥九勿翻咄當沒翻坐祖卧翻

李

密將至上遣使迎勞相望於道

使疏吏翻下同勞力到翻

密大喜謂

其徒曰我擁衆百萬一朝解甲歸唐山東連城數百知

我在此遣使招之亦當盡至此於竇融功亦不細

竇融以河

西歸漢光武李密自謂過之

豈不以一台司見處乎

處昌呂翻

已卯至長

安有司供待稍薄所部兵累日不得食衆心頗怨既而

以密為光祿卿上柱國賜爵邢國公密既不滿望朝臣

又多輕之

朝直遙翻

執政者或來求賄意甚不平

為李密復叛去張本

獨上親禮之常呼為弟以舅子獨孤氏妻之

妻七細翻

庚

辰詔右翊衛大將軍淮安王神通為山東道安撫大使

山東諸軍並受節度以黃門侍郎崔民幹為副

崔民幹山東望

族故使副神通以招撫諸郡縣使疏吏翻

鄧州刺史呂子臧與撫慰使馬

元規擊朱粲破之子臧言於元規曰粲新敗上下危懼

請併力擊之一舉可滅若復遷延

復扶又翻下同

其徒稍集力

彊食盡致死於我為患方深元規不從子臧請獨以所

部兵擊之元規不許既而粲收集餘衆兵復大振自稱

楚帝於冠軍

復扶又翻又音如字冠古玩翻

改元昌達進攻鄧州子臧

撫膺

膺胃也

謂元規曰老夫今坐公死矣粲圍南陽

南陽即鄧

州會霖雨城壞所親勸子臧降子臧曰安有天子方伯

降賊者乎帥麾下赴敵而死

降戶江翻帥讀曰率

俄而城陷元規

亦死

是年二月遣馬元規今死

癸未王世充收李密美人珍寶及

將卒十餘萬人還東都陳於闕下

將即亮翻

乙酉皇泰主大

赦丙戌以世充為太尉尚書令內外諸軍事

內外諸軍事之上當

有總督

仍使之開太尉府備置官屬妙選人物

史言王世充篡

二字

形已成世充以裴仁基父子驍勇深禮之

驍堅亮翻

徐文遠復

入東都見世充必先拜或問曰君倨見李密

見上七月

而敬

王公何也文遠曰魏公君子也能容賢士王公小人也

能殺故人吾何敢不拜 李密總管李育德以武陟來

降

隋志河內郡修武縣開皇十六年析置武陟郡劉朐曰武陟漢懷縣地故城在今縣西降戶江翻下同

考異曰舊唐書高季輔傳云與李厚德來

拜武陟刺史

降按以武陟來降者乃育德非厚德也

新舊志皆云武德二年李厚德以修武縣東北濁鹿城

歸順因置武陟州通鑑二年書厚德逐王世充殷州刺史

以獲嘉來降以厚德刺殷州二志

育德諤之孫也

李諤見一

皆云四年置殷州差殊如此當考

百七十六卷陳長

其餘將佐劉德威賈閏甫高季輔等

城公至德三年

或以城邑或帥眾相繼來降

將即亮翻帥讀曰率

初北海賊帥綦

公順

大業初以青州為北海郡綦姓也帥所類翻綦音其

帥其徒三萬攻郡城已

克其外郭進攻子城城中食盡公順自謂克在旦夕不

為脩明經劉蘭成糾合城中驍健百餘人襲擊之

劉蘭成蓋

嘗應明經科因稱之新唐志曰唐制取士之科多因隋舊則明經科起于隋也帥讀曰率驍堅克翻下同城

中見兵繼之

見賢通翻

公順大敗棄營走郡城獲全於是郡

官及望族分城中民為六軍各將之蘭成亦將一軍

將即

亮有宋書佐者離間諸軍曰

煬帝改郡諸曹參軍為書佐間古覓翻

蘭成

得衆心必為諸人不利不如殺之衆不忍殺但奪其兵以授宋書佐蘭成恐終及禍亡奔公順公順軍中喜譟



欲奉以為主固辭乃以為長史軍事成聽焉居五十餘

日蘭成簡軍中驍健者百五十人往抄北海

抄楚交

距

城四十里留十人使多芟草分為百餘積

芟所

二十里

又留二十人各執大旗五六里又留三十人伏險要蘭

成自將十人夜距城一里許潜伏餘八十人分置便處

約聞鼓聲即抄取人畜亟去

抄楚交翻  
亟紀力翻

仍一時焚積草

明晨城中遠望無煙塵皆出樵牧日向中蘭成以十人

直抵城門城上鉦鼓亂發伏兵四出抄掠雜畜千餘頭

及樵牧者而去

富許又翻

蘭成度抄者已遠徐步而還

度徒洛翻

還音旋又如字

城中雖出兵恐有伏兵不敢急追又見前有旌

旗煙火遂不敢進而還既而城中知蘭成前者衆少悔

不窮追

少詩治翻下同

居月餘蘭成謀取郡城更以二十人直

抵城門城中人競出逐之行未十里公順將大兵總至

將即亮翻下自將主將同

郡兵奔馳還城公順進兵圍之蘭成一言

招諭城中人爭出降

降戶江翻

蘭成撫存老幼禮遇郡官見

宋書佐亦禮之如舊仍資送出境内外安堵時海陵賊

帥臧君相

隋志海陵縣屬江都郡  
帥所類翻相息亮翻

聞公順據北海帥其

衆五萬來爭之

帥讀曰率

公順衆少聞之大懼蘭成為公順

畫策曰

為于偽翻

君相今去此尚遠必不為備請將軍倍道

襲擊其營公順從之自將驍勇五千人齎熟食倍道襲

之

驍堅堯翻

將至蘭成與敢死士二十人前行距君相營五

十里見其抄者負擔向營

擔丁濫翻

蘭成亦與其徒負擔疏

米燒器

擔亦負也都甘翻  
燒器鍋釜之屬

詐為抄者擇空而行聽察得

其號

號戶告翻  
軍號也

及主將姓名至暮與賊比肩而入負擔

巡營知其虛實得其更號

更號持更之號更工衙翻

乃於空地燃火

營食至三鼓忽於主將幕前交刀亂下殺百餘人賊衆

驚擾公順兵亦至急攻之君相僅以身免

考異曰舊書作劉蘭云

頗涉經史善言成敗然性多允狹見隋末將亂交通不

逞于時北海完富蘭利其子女玉帛與羣盜相應破其

鄉城邑武德中淮安王神通為山東道安撫大

使蘭率宗黨歸之革命記序其事頗詳今從之

俘斬數

千收其資糧甲仗以還

還從宣翻

由是公順黨衆大盛及李

密據洛口公順以衆附之密敗亦來降

降戶江翻

隋末羣

盜起冠軍司兵李襲譽

按新書李襲譽傳仕隋為冠軍府司兵考之隋志冠軍輔國將

軍從六品耳其府司兵當說西京留守陰世師守式遣又翻

兵據永豐倉發粟以賑貧乏出庫物賞戰士移檄郡縣

同心討賊世師不能用說輸乃求募兵山南世師許之

上克長安自漢中召還為太府少卿隋避諱以漢中為漢川郡唐復曰漢

中仍改郡曰梁州梁洋等州皆乙未附襲譽籍於宗正

李襲譽之先亦出於隴西故附之屬籍以襲譽襲志之

弟也李襲志時丙申朱粲寇浙州舊志鄞州內鄉縣漢浙縣地後周改

為中鄉隋改為內鄉武德二年置浙州又按隋志浙陽郡西魏置浙州治南鄉縣朱粲所寇盖南鄉之浙州浙

音遣太常卿鄭元璠帥步騎一萬擊之

璠殊玉翻帥讀  
曰率騎奇寄翻

是月納言竇抗罷為左武侯大將軍十一月乙巳

涼王李軌即皇帝位改元安樂

樂音洛  
傳云軌

考異曰按軌  
稱涼王即改元

安樂今  
據實錄

戊申王軌以滑州來降

李密既敗王軌來  
降降戶江翻下同

薛仁果之為太子也

去年秋七月薛舉  
稱帝仁果為太子

與諸將多有隙

及即位衆心猜懼郝瑗哭舉得疾遂不起由是國勢浸

弱秦王世民至高塘仁果使宗羅睺將兵拒之羅睺數

挑戰

將即亮翻郝呼各翻瑗于眷翻  
塘章起翻數所角翻挑徒了翻

世民堅壁不出諸

將咸請戰世民曰我軍新敗士氣沮喪

謂是年七月淺水原之敗也沮

在呂翻喪息浪翻

賊恃勝而驕有輕我心宜閉壘以待之彼驕

我奮可一戰而克也乃令軍中曰敢言戰者斬相持六

十餘日仁杲糧盡其將梁胡郎等帥所部來降

將即亮翻下同

帥讀曰率下同

世民知仁杲將士離心命行軍總管梁實營於

淺水原以誘之

誘音西

羅睺大喜盡銳攻之梁實守險不

出營中無水人馬不飲者數日羅睺攻之甚急世民度

賊已疲

度徒洛翻

謂諸將曰可以戰矣遲明

遲直利翻

使右武侯

大將軍龐玉陳於淺水原

陳讀曰陣下同

羅睺併兵擊之玉戰

幾不能支

幾居依翻

世民引大軍自原北出其不意羅睺引

兵還戰世民帥驍騎數十先陷陳唐兵表裏奮擊呼聲

動地

帥讀曰率驍堅堯翻騎奇寄翻下同陳讀曰陣呼火故翻

羅睺士卒大潰斬首

數千級世民帥二千餘騎追之

騎奇寄翻

竇軌叩馬苦諫曰

仁杲猶據堅城雖破羅睺未可輕進請且按兵以觀之

睺音侯

世民曰吾慮之久矣破竹之勢不可失也

杜預曰兵威已

振譬如破竹數節之後迎刃而解

舅勿復言

世民竇氏之出呼軌為舅復扶又翻

遂進仁



杲陳於城下世民據涇水臨之仁杲驍將渾幹等數人

臨陳來降

驍堅亮翻將即亮翻渾戶昆翻姓苑記其所出者多左傳鄭有大夫渾罕衛有渾良夫唐

渾瑊祖渾瑊王吐谷渾後為渾其音戶本翻以

仁杲懼

引兵入城拒守日向暮大軍繼至遂圍之夜半守城者

爭自投下仁杲計窮已酉出降得其精兵萬餘人男女

五萬口諸將皆賀因問曰大王一戰而勝遽捨步兵又

無攻具輕騎直造城下

造七到翻

衆皆以為不克而卒取之

何也

率子恤翻

世民曰羅睺所將皆隴外之人將驍卒悍

將即

亮翻又音如字領也  
悍戶罕翻又侯肝翻

吾特出其不意而破之斬獲不多

若緩之則皆入城仁杲撫而用之未易克也

易以  
鼓翻

急之

則散歸隴外折撫虛弱仁杲破膽不暇為謀此吾所以

克也

折當作析音思  
歷翻撫章怒翻

衆皆悅服世民所得降卒悉使仁

杲兄弟及宗羅睺翟長孫等將之

翟長伯翻  
長知兩翻

與之射獵

無所疑間

間古  
覓翻

賊畏威銜恩皆願效死世民聞褚亮名

求訪獲之禮遇甚厚引為王府文學

自隋時親王  
府有文學

上遣

使謂世民曰

使疏  
吏翻

薛舉父子多殺我士卒必盡誅其黨

以謝寃魂李密諫曰薛舉虐殺無辜此其所以亡也陛下何怨焉懷服之民不可不撫乃命戮其謀首餘皆赦之上使李密迎秦王世民於幽州密自恃智畧功名見上猶有傲色及見世民不覺驚服

此豈獨相表服之哉威靈氣馘足以服之

也私謂殷開山曰真英主也不如是何以定禍亂乎詔

以員外散騎常侍姜謩為秦州刺史

曹魏未置員外散騎常侍散悉亶翻

寄翻騎奇

謩撫以恩信盜賊悉歸首

又翻首手

士民安之

徐世

勣據李密舊境未有所屬魏徵隨密至長安乃自請安

集山東上以為秘書丞

漢獻帝建安中魏武為魏王置秘書令及二丞

乘傳至

黎陽遺徐世勣書

傳殊戀翻遺于李翻

勸之早降世勣遂決計西

向謂長史陽翟郭孝恪曰

隋志陽翟縣屬襄城郡降戶江翻長知兩翻

此民

衆土地皆魏公有也

李密建國稱魏公

吾若上表獻之

上時掌翻

是

利主之敗自為功以邀富貴也吾寔恥之今宜籍郡縣

戶口士馬之數以啟魏公使自獻之乃遣孝恪詣長安

又運糧以餉淮安王神通

神通時安撫山東

上聞世勣使者至

無表止有啓與密甚怪之孝恪具言世勣意上乃嘆曰

徐世勣不肯德不邀功

使疏吏翻背蒲妹翻

真純臣也賜姓李

時授

世勣黎州總管封英國公

以孝恪為宋州刺史

復以梁郡為宋

通鑑書於明年閏二月

州此時唐末能有宋州也

使與世勣經畧虎牢以東所得州縣委之

選補

委之選補官吏也

癸丑獨孤懷恩攻堯君素於蒲反

漢志

作蒲反後始作蒲坂

行軍總管趙慈景尚帝女桂陽公主為君素

所擒梟首城外以示無降意

梟堅堯翻降戶江翻

癸亥秦王世

民至長安斬薛仁果於市賜常達帛三百段

賞其不屈也唐制凡

賜十段其率絹三匹布三端綿四斤若雜絲十段則絲布二匹紬二匹綾二匹縵四匹

贈劉感平

原郡公諡忠壯

以其死節也

撲殺仵士政於殿庭

撲弼角翻擊也

以

張貴尤淫暴腰斬之上享勞將士因謂羣臣曰諸公共

相翊戴以成帝業若天下承平可共保富貴使王世充

得志公等豈有種乎

因薛仁果君臣以相戒勞力到翻種章勇翻

如薛仁果

君臣豈可不以為前鑑也已已以劉文靜為戶部尚書

領陝東道行臺左僕射復殷開山爵位

先是劉文靜殷開山皆以淺水

原之敗除名

李密驕貴日久又自負歸國之功朝廷待之

不副本望

事見上

鬱鬱不樂

樂音洛

嘗遇大朝會密為光祿

卿當進食

六典光祿卿之職掌邦國酒醴膳羞之事總太官珍羞良醢掌醢四署之官屬朝會燕饗

則節其等差量其豐約以供馬故當進食朝直遙翻

深以為恥退以告左武衛大

將軍王伯當伯當心亦快快

快於兩翻

因謂密曰天下事在

公度內耳今東海公在黎陽

密封徐世勣為東海公

襄陽公在羅

口

襄陽公未知為誰按密將張善相時為伊州刺史據襄城自襄城北出則羅口蓋李密封善相為襄城公

伯當指言之也襄陽

公疑當作襄城公

河南兵馬屈指可計豈得久如此

也密大喜乃獻策於上曰臣虛蒙榮寵安坐京師曾無

報效山東之衆皆臣故時麾下請往收而撫之憑籍國

威取王世充如拾地芥耳

顏師古曰地芥謂草芥之橫在地上者俯而拾之言易而

必得也

上聞密故將士多不附世充亦欲遣密往收之羣

臣多諫曰李密狡猾好反

將即亮翻好呼到翻

今遣之如投魚於

泉放虎於山必不反矣上曰帝王自有天命非小子所

能取借使叛去如以蒿箭射蒿中耳

蒿蓬蒿之屬叢生於地人皆賤其無

用刺蒿為箭射之蒿中言其無用而不足惜也北齊源文宗曰國家視淮南同於蒿箭蓋蒿箭之言尚矣射而

亦翻今使二賊交鬪吾可以坐收其弊卒未遣密詣山東

收其餘衆之未下者密請與賈閏甫偕行上許之命密



及閏甫同升御榻賜食傳飲卮酒曰吾三人同飲是酒

以明同心善建功名以副朕意丈夫一言許人千金不

易有人確執不欲弟行

上呼李密為弟

朕推赤心於弟非他人

所能間也

間古覓翻

密閏甫再拜受命上又以王伯當為密

副而遣之

考異曰高祖實錄未幾聞其下兵皆不附王世充今密收集餘衆以圖洛陽密言於高

祖曰臣入朝日淺不願違離又在朝公卿未甚委信願得陛下腹心左右與臣同去高祖曰朕推赤心於人終

無疑阻但有益國利人即當專決今從蒲山公傳

有大鳥五集于樂壽

樂音洛

羣鳥數萬從之經日乃去竇建德以為已瑞改元五鳳

宗城人有得玄圭獻於建德者宋正本及景城丞會稽

孔德紹皆曰此天所以賜大禹也

隋志宗城縣屬清河郡舊曰廣宗仁壽元年

改焉避煬帝諱也景城縣屬河間郡舊曰成平開皇

十八年改隋改越州為會稽郡禹平水土錫玄圭告厥

成功蓋堯錫之也宋正本等引為天瑞

請改國號曰夏

以諂建德過矣隋縣置今丞會古外翻

竇建德初稱長

樂王夏戶雅翻建德從之以正本為納言德紹為內史

侍郎初王須拔掠幽州中流矢死

中竹仲翻考異曰革命記云須拔衆散

奔突厥突厥以為南

其將魏刀兒代領其衆據深澤掠

面可汗今從唐書

冀定之間

隋志深澤縣屬博陵郡劉昫曰治潞沁河北宋白曰以界內水澤深廣名縣時復信都郡

為冀州博陵郡為定州將即亮翻

衆至十萬自稱魏帝建德偽與連和

刀兒弛備建德襲擊破之遂圍深澤其徒執刀兒降建

德斬之盡并其衆

降戶江翻

易定等州皆降唯冀州刺史麴

稜不下

麴稜時附於唐

稜婿崔履行暹之孫也

崔暹事齊高氏父子以不畏彊

禦用自言有奇術可使攻者自敗稜信之履行命守城者

皆坐毋得妄鬪曰賊雖登城汝曹勿怖

怖普布翻

吾將使賊

自縛於是為壇夜設章醺然後自衣衰經

衣於既翻衰倉回翻經徒

結翻杖竹登北樓慟哭又令婦女升屋四面振裙建德攻

之急稜將戰履行固止之俄而城陷履行哭猶未已

自古

以來信妖人之言以喪師亡城者多矣然後世之人猶有信而不悟者若高駢李守貞之徒是也

建德

見稜曰卿忠臣也厚禮之以為內史令 十二月壬申

詔以秦王世民為太尉使持節陝東道大行臺

使疏吏翻

其

蒲州河北諸府兵馬並受節度

復以河東郡為蒲州河北謂大河以北黎相之

地諸府諸

癸酉西突厥曷娑那可汗

厥九勿翻娑蘇何翻可從刊入

總管府

聲汗音寒 自宇文化及所來降

隋煬帝以曷娑那可汗自從煬帝弑從化及降戶江翻

隋將堯君素守河東

將即亮翻

上遣呂紹宗韋義節獨孤懷

恩相繼攻之俱不下

義寧元年九月屈突通留堯君素守河東呂紹宗攻之不克以韋義

節代之又不克武德元年九月以獨孤懷恩代之仍不下

時外圍嚴急君素為木鵝

置表於頸具論事勢浮之於河河陽守者得之達於東

都皇泰主見而嘆息拜君素金紫光祿大夫龐玉皇甫

無逸自東都來降上悉遣詣城下為陳利害

為于偽翻

君素

不從

考異曰高祖實錄令宇文士及為陳利害按宇文士及為竇建德所擒士及乃自歸於唐實錄誤

也今從隋書

又賜金券許以不死其妻又至城下謂之曰隋

室已亡君何自苦君素曰天下名義非婦人所知引弓

射之應弦而倒

射而亦翻 考異曰實錄云妻號慟而去今從隋書

君素亦自知

不濟然志在守死每言及國家未嘗不歔歔

歔音虛歔音希又許

既翻謂將士曰吾昔事主上於藩邸

隋書堯君素傳煬帝為晉王君素以左右

從

大義不得不死必若隋祚永終天命有屬

屬之欲翻

自當

斷頭以付諸君聽君等持取富貴

斷丁管翻

今城池甚固倉儲

豐備大事猶未可知不可橫生心也

橫戶孟翻

君素性嚴明

善御衆下莫敢叛久之倉粟盡人相食又獲外人微知

江都傾覆丙子君素左右薛宗李楚客殺君素以降傳

首長安

降戶江翻下同

君素遣朝散大夫解人王行本將精兵

七百在他所

解漢古縣也後魏曰安定西魏改曰南解又改曰綏化又曰虞鄉武德元年更名解

縣別置虞鄉縣並屬蒲州朝直遙

聞之赴救不及因捕

翻散悉曹翻解戶買翻將即亮翻

殺君素者黨與數百人悉誅之復乘城拒守

復扶又翻又音如字

獨孤懷恩引兵圍之丁酉隋襄平太守鄧暉以柳城

北平二郡來降以暉為營州總管

隋置襄平柳城郡皆在遼西郡柳城縣界

北平郡即平州盧龍之地時復以遼西郡為營州守式又翻暉工老翻

辛巳太常卿鄭

元璫擊朱榮於商州破之

復以上洛郡為商州璫殊玉翻

初宇文化

及遣使招羅藝藝曰我隋臣也斬其使者為煬帝發喪

臨三日

使疏吏翻為于偽翻臨力鳩翻

竇建德高開道各遣使招之藝

曰建德開道皆劇賊耳吾聞唐公已定關中人望歸之

此真吾主也吾將從之敢沮議者斬

沮在呂翻

會張道源慰

撫山東藝遂奉表與漁陽上谷等諸郡皆來降癸未詔

以藝為幽州總管

隋大業初置漁陽郡於無終唐復以涿郡為幽州考異曰創業注藝以

武德元年二月降舊書云三年新書云二年皆誤也今從實錄

薛萬均世雄之子也

薛世

雄死見一百八十卷義寧元年

與弟萬徹俱以勇略為藝所親待詔



以萬均為上柱國永安郡公萬徹為車騎將軍武安縣

公唐制上柱國郡公皆正二品縣公從二品車騎將軍則諸衛郎將之職也正五品騎奇寄翻下同實

建德既克冀州兵威益盛帥眾十萬寇幽州帥讀曰率下同藝

將逆戰萬均曰彼眾我寡出戰必敗不若使羸兵背城

阻水為陳羸倫為翻背蒲彼必度水擊我萬均請以精

騎百人伏於城旁俟其半度擊之蔑不勝矣藝從之建

德果引兵度水萬均邀擊大破之建德竟不能至其城

下乃分兵掠霍堡及雍奴等縣霍堡蓋世亂霍氏宗黨築堡以自固因以為名

雍奴漢古縣唐志屬幽州天寶改為武清縣

藝復邀擊敗之

復扶又翻敗補邁翻

凡相

距百餘日建德不能克乃還樂壽

樂音洛

藝得隋通直謁

者溫彥博以為司馬

隋煬帝置謁者臺有司朝謁者通事謁者通直謁者將事謁者

藝

以幽州歸國彥博贊成之詔以彥博為幽州總管府長

史未幾徵為中書侍郎

長知兩翻幾居豈翻

兄大雅時為黃門侍

郎與彥博對居近密

黃門侍郎居門下省謂之東省中書侍郎居中書省謂之西省故曰

對居時人榮之

以西突厥曷娑那可汗為歸義王

厥九

勿翻娑素那翻可從刊入聲汗音寒

曷娑那獻大珠上曰珠誠至寶然朕

寶王赤心珠無所用竟還之 乙酉車駕幸周氏陂過

故墅

水經注白渠尾入櫟陽而東南注于渭故渠逕漢丞相周勃冢南冢北有弱夫冢故渠東南有周氏

曲渠

又南逕漢景帝陵南又東南注于渭周氏曲即周氏陂也在高陵縣界故墅在高陵縣西十里店上舊所

居也

武德六年名龍躍宮

初羌豪旁企地以所部附薛舉

旁步光翻羌姓

也

及薛仁果敗企地來降留長安企地不樂

企去智翻樂音洛

帥其衆數千叛入南山出漢川

帥讀曰率此自長安南山諸谷出漢川漢川即

漢中所過殺掠武侯大將軍龐玉擊之為企地所敗

敗補邁翻

行至始州

晉安漢梓潼縣廣漢郡治焉宋置南安郡梁置南梁州後改安州西魏改為始州大業初

改為普安郡唐復為始掠女子王氏與俱醉卧野外王

氏拔其佩刀斬首送梁州

唐改漢川郡為梁州

其眾遂潰詔賜王

氏號為崇義夫人壬辰王世充帥眾三萬圍穀州

新安

縣後周置中州及東垣縣州尋廢開皇十六年置穀州仁壽四年州廢又廢新安入東垣大業初改名新安縣屬河南郡義寧二年破段達置新安郡武德元年改穀州取穀水為名帥讀曰率刺史任瓌拒

却之

任音士瓌古回翻

上使李密分其麾下之半留華州

周宣

王封其弟友於鄭自漢以來為鄭縣後魏置東雍州及華山郡西魏改曰華州開皇初州廢大業初郡廢為鄭縣屬京兆郡義寧元年析京兆之鄭將其半出關

將即亮翻

華陰置華陰郡尋改華州華戶化翻

長史張寶德預在行中恐密亡去罪相及上封事言其

必叛

長知兩翻上時掌翻

上意乃中變又恐密驚駭乃降敕書勞

來

勞力到翻來力代翻

令密留所部徐行單騎入朝更受節度

奇騎

寄

翻朝直遙翻

密至稠桑得敕謂賈閏甫曰敕遣我去無故復

召我還

稠直留翻復扶又翻

天子鄉云有人確執不許此諧行矣

吾今若還無復生理不若破桃林縣

開皇十六年分閩鄉陝置桃林縣取

古桃林之塞以名縣也在陝西四十五里

收其兵糧北走度河北信達熊州

宜陽縣後魏置宜陽郡東魏置陽州後周改曰熊州開皇初郡廢大業初州廢屬河南郡義寧二年破段達置

宜陽郡武德元年置熊州取熊耳山以  
名州杜佑曰熊州今福昌縣比必寐翻  
吾已遠矣苟得

至黎陽大事必成

言欲就徐世勣也

公意如何閔甫曰主上待

明公甚厚况國家姓名著在圖識

識楚諧翻

天下終當一統

明公既已委質

質職日翻

復生異圖

復扶又翻下同

任瓌史萬寶據

熊穀二州

任音壬瓌古同翻

此事朝舉彼兵夕至雖克桃林兵

豈暇集一稱叛逆誰復容人為明公計不若且應朝命

朝直遙翻

以明元無異心自然浸潤不行

論語曰浸潤之諧不行焉閔甫引此

更欲出就山東徐思其便可也密怒曰唐使吾與絳灌

同列何以堪之

言不得如韓彭割地而王使與周勃灌嬰同列

且識文之應彼

我所共今不殺我聽使東行足明王者不死縱使唐遂  
定關中山東終為我有天與不取乃欲束手投人公吾  
之心腹何意如是若不同心當斬而後行閏甫泣曰明  
公雖云應讖近察天人稍已相違今海內分崩人思自  
擅强者為雄明公奔亡甫爾誰相聽受且自翟讓受戮  
之後翟讓伯翻人皆謂明公棄恩忘本今日誰肯復以所有  
之兵束手委公乎彼必慮公見奪逆相拒抗一朝失勢

豈有容足之地哉自非荷恩殊厚者詎肯深言不諱乎

荷下  
可翻

顧明公熟思之但恐大福不再

楚靈王  
之言

苟明公有

所措身閏甫亦何辭就戮密大怒揮刃欲擊之王伯當  
等固請乃釋之閏甫奔熊州伯當亦止密以為未可密  
不從伯當乃曰義士之志不以存亡易心公必不聽伯  
當與公同死耳然恐終無益也密因執使者斬之庚子

旦密給桃林縣官曰奉詔覓還京師

使疏吏翻給徒  
亥翻覓與暫同

家

人請寄縣舍乃簡驍勇數十人著婦人衣戴幕羅

驍  
堯翻堅



著側畧翻畧莫

藏刀裙下詐為妻妾自帥之入縣舍

帥讀

狄翻羅音離

日率下同

須臾變服突出因據縣城驅掠徒衆直趣南山

七趣

喻翻又

乘險而東遣人馳告故將伊州刺史襄城張善

逡須翻

相令以兵應接

五代志襄城郡東魏置北荊州後周改曰和州開皇初改曰伊州大業初改曰

汝州尋改為郡李密復開皇舊州名杜佑曰伊州今陸渾縣將即亮翻相息亮翻

右翊衛將軍

史萬寶鎮熊州謂行軍總管盛彥師曰李密驍賊也

驍堅

亮翻又輔以王伯當今決策而叛殆不可當也彥師笑曰

請以數千之衆邀之必梟其首

梟古亮翻

萬寶曰公以何策

能爾彥師曰兵法尚詐不可為公言之

為于偽翻

即帥眾踰

熊耳山

熊耳山在熊州南

南據要道

南字當屬上句

令弓弩夾路乘高

刀楯伏於溪谷

楯食尹翻

令之曰俟賊半度一時俱發或問

曰聞李密欲向洛州而公入山何也

洛州謂洛陽

彥師曰密

聲言向洛實欲出人不意走襄城就張善相耳

走音奏相息亮

翻若賊入谷口我自後追之山路險隘無所施力一夫

殿後必不能制

殿丁練翻

今吾先得入谷擒之必矣李密既

度陝以為餘不足慮

陝州之兵既不能邀密密自以為踰山而南他無邀阻不足慮也陝

失冉翻遂擁衆徐行果踰山南出彥師擊之密衆首尾斷

絕不得相救遂斬密及伯當俱傳首長安

考異曰河洛記密因執

驛使者斬之曉入桃林詐縣官翻據縣城中驚悸莫敢當者驅掠畜產趨南山時左翊衛將軍上柱國太平公史萬寶在熊州既聞密叛遣將劉善武領兵追躡善武兄善績往在洛口為密所屠善武因此發憤志在取密十日十夜倍道兼行百方羅捕無暫休息追至陸渾縣南七十里與密相及連戰轉鬪一步一前驅密於邢公山與王伯當死之彥師以功賜爵葛國公仍領熊州今從實錄及舊書當領

依舊書作鎮李世勣在黎陽上遣使以密首示之告以反狀

世勣北面拜伏號慟表請收葬

使疏吏翻號戶刀翻

詔歸其尸世

勛為之行服備君臣之禮

世勛以此受知於太宗為于偽翻

大具儀衛

與軍縞素葬密于黎陽山南

縞工老翻

密素得士心哭者多

歐血 隋右武衛大將軍李景守北平高開道圍之歲

餘不能克遼西太守鄧暲將兵救之景帥其衆遷于柳城

守式又翻暲古老翻將即亮翻帥讀曰率下同

後將還幽州於道為盜所殺開

道遂取北平進陷漁陽郡有馬數千匹衆且萬自稱燕

王改元始興

考異曰實錄唐書皆無開道年號柳璨注正閏位歷六年號天成李昉歷代年號

亦如之宋庠紀年通譜武德元年開道年號始都漁陽  
興云出歷代紀要錄此號未知孰是今從紀要

懷戎沙門高曇晟

劉昫曰懷戎後漢之潘縣屬上谷郡北齊改為懷戎縣隋屬幽州涿郡曇

徒含翻晟承正翻

因縣令設齋士民大集曇晟與僧五千人擁

齋衆而反殺縣令及鎮將

將即亮翻

自稱大乘皇帝立尼靜

宣為邪輸皇后

釋氏以人之性識根業各差故有大乘小乘之說

改元法輪遣

使招開道立為齊王開道帥衆五千人歸之

使疏吏翻帥讀曰率

居數月襲殺曇晟悉并其衆

有犯法不至死者上特

命殺之監察御史李素立諫曰

六典監察御史蓋取秦監郡御史以名官晉孝

武太元中創置檢校御史後周秋官府有司憲旅下士隋初改為監察御史從八品上監工衙翻

三尺

法王者所與天下共也

漢書客謂杜周曰君為廷尉不循三尺法孟康注云以三尺竹

簡書法律也

法一動搖人無所措手足陛下甫創洪業奈何

棄法臣忝法司不敢奉詔上從之自是特承恩遇命所

司授以七品清要官所司擬雍州司戶

雍於用翻

上曰此官

要而不清又擬祕書郎上曰此官清而不要遂擢授侍

御史

六典侍御史從六品上杜佑曰唐侍御史之職有四謂推彈公廨雜事推者掌推鞠彈者掌彈舉公

廨知公廨事雜事臺事總悉判之

素立義深之曾孫也

李義深趙郡著姓事高齊史云

人位兼美上以舞胡安比奴為散騎侍郎

散悲亶翻騎奇寄翻

禮部尚

書李綱諫曰古者樂工不與士齒雖賢如子野師襄皆

世不易其業

子野晉樂師曠  
字襄魯樂師

唯齊末封曹妙達為王安

馬駒為開府有國家者以為殷鑑

齊後主亡國亦此之  
由詩云殷監不遠在

夏后  
之世

今天下新定建義功臣行賞未遍高才碩學猶滯

草萊而先擢舞胡為五品使鳴玉曳組趨翔廊廟

組則  
古翻

非所以規模後世也上不從曰吾業已授之不可追也

陳嶽論曰受命之主發號出令為子孫法一不中理

則為厲階

中竹  
仲翻

今高祖曰業已授之不可追苟授之

而是則已授之而非胡不可追歟君人之道不得不以業已授之為誠哉

李軌吏部尚書梁碩有智略軌常倚之以為謀主碩見諸胡浸盛陰勸軌宜加防察由是與戶部尚書安修仁有隙

其後安修仁兄弟縛軌以歸於唐卒如梁碩所慮

軌子仲琰嘗詣碩碩不

為禮乃與修仁共譖碩於軌誣以謀反軌酖碩殺之有胡巫謂軌曰上帝當遣玉女自天而降軌信之發民築臺以候玉女勞費甚廣河右飢人相食軌傾家財以賑



之不足欲發倉粟

賑津忍翻

召羣臣議之曹珍等皆曰國以

民為本豈可愛倉粟而坐視其死乎謝統師等皆故隋

官心終不服

謝統師等為軌所執見一百八十四卷義寧元年七月

密與羣胡為

黨排軌故人乃詒珍曰

詒苦侯翻

百姓餓者自是羸弱勇壯

之士終不至此國家倉粟以備不虞豈可散之以飼羸

弱

羸倫為翻同祥吏翻

僕射苟悅人情不為國計非忠臣也軌以

為然由是士民離怨

為李軌敗亡張本

資治通鑑卷一百八十六

欽定四庫全書薈要卷七千一百七十三

史部

資治通鑑卷一百八十七 宋 司馬光 撰

胡三省 音註

唐紀三

起屠維單閼正月  
盡十月不滿一年

高祖神堯大聖光孝皇帝上之下

武德二年春正月壬寅王世充悉取隋朝顯官名士

為太尉府官屬

朝直選  
翻下同

杜淹戴胄皆預焉胄安陽人

也

安陽縣  
帶相州

隋將軍王隆帥屯衛將軍張鎮周

煬帝改  
左右領

軍衛為左右屯衛帥讀曰率考異曰都水少監蘓世高祖實錄作鎮州今從隋書陳稜傳

長等以山南兵始至東都

義寧元年七月遣王隆會兵東都今至少始照翻

王世充專總朝政事無大小悉關太尉府臺省監署

莫不闐然

闐若鳴翻

世充立三牌於府門外一求文學才

識堪濟時務者一求武勇智略能摧鋒陷敵者一求

身有冤滯擁抑不申者於是上書陳事日有數百世

充悉引見躬自省覽

省悉景翻

殷勤慰諭人人自喜以為

言聽計從然終無所施行下至士卒廝養

析薪為廝炊烹為養

廝音斯養  
羊尚翻

世充皆以甘言悅之而實無恩施

施式  
智翻隋

馬軍總管獨孤武都為世充所親任其從弟司隸大

夫機

場帝置司隸臺以大夫為之長  
掌諸巡察正四品從才用翻

與虞部郎楊恭

慎

六典周禮地官有山虞澤虞蓋虞部之職也魏始  
有虞曹郎中晉因之梁陳為侍郎後周冬官有虞

部下大夫梁陳後魏北齊並祠部尚書  
領之隋工部尚書領之場帝曰虞曹郎

前勃海郡主

簿孫師孝

場帝改滄州  
為勃海郡

步兵總管劉孝元李儉崔孝

仁謀召唐兵使孝仁說武都曰王公徒為兒女之態

以悅下愚而鄙隘貪忍不顧親舊豈能成大業哉圖

識之文應歸李氏人皆知之

說輸為翻下說同識楚譖翻

唐起晉

陽奄有關內兵不留行英雄景附且坦懷待物舉善

責功不念舊惡據勝勢以爭天下誰能敵之吾屬託身

非所坐待夷滅今任管公兵近在新安

任瓌以穀州刺史鎮新安封管

國公任音士

又吾之故人也若遣間使召之使夜造城下

間使

上古覓翻下疏吏翻造七到翻

吾曹共為內應開門納之事無不集矣

武都從之事泄世充皆殺之恭慎達之子也

達隋觀德王雄之弟

癸卯命秦王世民出鎮長春宮

長春宮在同州朝邑縣後周宇文護所建

宇文化及攻魏州總管元寶藏四旬不克魏徵往說

之丁未寶藏舉州來降

魏徵本元寶藏官屬說式為翻降戶江翻下同

戊午

淮安王神通擊宇文化及於魏縣化及不能抗東走聊

城

聊城縣時屬魏州武德四年分為博州

神通拔魏縣斬獲二千餘人引

兵追化及至聊城圍之

甲子以陳叔達為納言 丙

寅李密所置伊州刺史張善相來降

相息亮翻降戶江翻

朱粲

有衆二十萬剽掠漢淮之間

剽匹妙翻

遷徙無常每破州縣

食其積粟未盡復他適

復扶又翻下同

將去悉焚其餘資又不

務稼穡民餒死者如積聚無可復掠軍中乏食乃教士

卒烹婦人嬰兒噉之

噉徒濫翻又徒覽翻

曰肉之美者無過於人

但使佗國有人何憂於餒隋著作佐郎陸從典通事舍

人顏愍楚

六典著作佐郎修國史宋百官春秋云常道鄉公咸熙百官名有著作佐郎三人晉制著

作佐郎始到職必撰名臣傳一人宋氏之初國朝始建  
未有合撰者此制遂替後周春官府置著作中士即著  
作佐郎之任通事舍人即秦之謁者漢書百官表謁者  
掌賓贊受事舊儀云謁者有缺選郎中美鬚眉大音者  
補晉初中書置舍人通事各一人東晉令舍人通事兼  
謁者之任通事舍人之名由此始也隋初罷謁者官置  
通事舍人煬帝改通事舍人為通  
事謁者顏愍楚蓋大業前為舍人  
謫官在南陽

南陽鄧州

初引為賓客其後無食鹽家皆為所噉愍楚之推之子

也

顏之推仕於高齊之季

又稅諸城堡細弱以供軍食諸城堡相

帥叛之

帥讀曰率下同

淮安土豪楊士林田瓚起兵攻粲

後魏置東

荊州於比陽西魏改為淮州梁置淮安縣於桐栢并立上川郡隋開皇廢郡改淮安為桐栢縣改淮安郡曰顯

州領比陽平氏桐栢等七縣大業改顯州為淮安郡瓚藏旱翻諸州皆應之粲與戰于

淮源

水經注淮水出平氏縣桐栢大復山山南有淮源廟唐州桐栢淮瀆廟碑漢延熹六年立其文曰淮

出平氏始於大復潛行地中見於陽口

大敗帥餘衆數千奔菊潭

帥讀曰率菊潭

舊曰酈縣開皇初改焉時屬鄧州士林家世蠻酋

首慈由翻



隋末士林為鷹揚府校尉殺郡官而據其郡

校戶教翻

既逐

朱粲已帥漢東四郡遣使詣信州總管廬江王瑗請

降

大業改隋州為漢東郡梁置信州於魚復大業改為巴東郡唐復為信州使疏吏翻瑗于眷翻

詔以

為顯州道行臺

宋白曰後魏置東荊州於比陽後改淮州隋文帝改顯州取界內顯望岡為名

士林以瓚為長史

初王世充既殺元盧

元盧元文都盧楚世充殺

之事見一百八十五卷元年七月

慮人情未服猶媚事皇泰主禮甚謙

敬又請為劉太后假子尊號曰聖感皇太后既而漸驕

橫嘗賜食於禁中還家大吐

橫戶孟翻吐土故翻

疑遇毒自是不

復朝謁

復扶又翻  
朝直遙翻

皇泰主知其終不為臣而力不能制

唯取內庫綵物大造幡花又出諸服玩令僧散施貧乏

以求福

施式  
智翻

世充使其黨張績董濬守章善顯福二門

東都皇城南面三門中曰應天左曰興教右曰光政興  
教之內曰會昌其北曰章善光政之內曰廣運其北曰

顯福宮內雜物毫釐不得出是月世充使人獻印及劔又

言河水清欲以耀眾為已符瑞云上遣金紫光祿大

夫武功靳孝謨安集邊郡

靳居  
歛翻

為梁師都所獲孝謨罵

之極口師都殺之二月詔追賜爵武昌縣公謚曰忠

初定租庸調法每丁租二石絹二匹綿三兩

租庸調之法以人丁

為本梁陳齊周各有損益唐制凡授田者丁歲輸粟二斛稻三斛謂之租丁隨鄉所出歲輸絹二匹綾絕二丈布加五之一綿三兩麻三斤非蠶鄉則輸銀十四兩謂之調用人之力歲二十日閏加二日不役者日為絹三尺謂之庸有事而加役二十五日者免調三十日者租調皆免通正役不過五十日調徒釣翻下同自茲

以外不得橫有調斂

橫戶孟翻斂力瞻翻

丙戌詔諸宗姓居官

者在同列之上未仕者免其徭役每州置宗師一人以

攝總別為團伍

張俟德至涼

去年八月遣張俟德冊拜李軌

李軌召

其羣臣廷議曰唐天子吾之從兄

從才用翻下同

今已正位京

邑一姓不可自爭天下吾欲去帝號受其封爵可乎

去羌

呂曹珍曰隋失其鹿天下共逐之稱王稱帝者奚啻一

人唐帝關中涼帝河右固不相妨且已為天子奈何復

自貶黜

復扶又翻

必欲以小事大請依蕭詧事魏故事

蕭詧事魏

事見一百六十五卷

梁元帝承聖三年軌從之戊戌軌遣其尚書左丞鄧

曉入見

見賢遍翻

奉書稱皇從弟大涼皇帝臣軌而不受官

爵帝怒拘曉不遣始議興師討之初隋煬帝自征吐谷

渾吐谷渾可汗伏允以數千騎奔党項

事見一百八十一卷煬帝大業五年

吐從瞰入聲谷音浴可從  
刊入聲汗音寒騎奇寄翻

煬帝立其質子順為主

質音致

使統餘衆不果入而還會中國喪亂

還從宣翻又如字喪息浪翻

伏

允復還收其故地

復扶又翻

上受禪順自江都還長安

煬帝既哉

順逃還長安

上遣使與伏允連和使擊李軌許以順還之伏

允喜起兵擊軌數遣使入貢請順上遣之

為後太宗立順以統吐谷

渾之衆張本遣使疏吏翻下同

閏月朱粲遣使請降

降戶江翻

詔以粲為

楚王聽自置官屬以便宜從事

宇文化及以珍貨誘

海曲諸賊賊帥王薄帥衆從之

誘羊久翻賊帥所類翻薄帥讀日率

與共

守聊城竇建德謂其羣下曰吾為隋民隋為吾君今宇

文化及弑逆乃吾讎也吾不可以不討乃引兵趣聊城

趣七喻翻  
又遂須翻

淮安王神通攻聊城化及糧盡請降神通不

許安撫副使崔世幹勸神通許之

降戶江翻下  
同使疏吏翻

神通曰

軍士暴露日久賊食盡計窮克在旦暮吾當攻取以示

國威且散其玉帛以勞將士

勞力到翻

若受其降將何以為

軍賞乎世幹曰今建德方至若化及未平內外受敵吾

軍必敗夫不攻而下之為功甚易

夫音扶易  
以鼓翻

奈何貪其

玉帛而不受乎神通怒囚世幹於軍中

去年十月遣神通安撫山東書

崔民幹為副今書

既而宇文士及自濟北餽之

濟北郡濟州濟

世幹當有一誤

子禮

化及軍稍振遂復拒戰

復扶又翻下同

神通督兵攻之貝

州刺史趙君德攀堞先登

時復以清河郡為貝州宋白曰貝州清河郡春秋為晉東

陽之地亦為齊境秦為鉅鹿郡地漢分鉅鹿郡置清河郡理清陽石趙移郡理平晉城即今博州清平縣後周平齊於清河縣置貝州清河後漢之甘陵清陽縣又兼有漢貝丘縣之地貝州以此得名堞徒協翻

心害其功收兵不戰君德大詬而下

詬苦侯翻

遂不克建德

軍且至神通引兵退建德與化及連戰大破之化及復

保聊城建德縱兵四面急攻王薄開門納之建德入城

生擒化及先謁隋蕭皇后語皆稱臣素服哭煬帝盡哀

收傳國璽及鹵簿儀仗

璽斯氏翻

撫存隋之百官然後執逆

黨宇文智及楊士覽元武達許弘仁孟景集隋官而斬

之梟首軍門之外

梟堅堯翻

以檻車載化及并二子承基承

趾至襄國斬之

煬帝改邢州為襄國郡杜佑曰邢州古邢國治龍岡縣秦為信都項羽改襄國

隋改龍岡

考異曰隋書云載之河間斬之唐書云至

大陸斬之河洛記云建德將化及并蕭后南陽公主隨

軍于時襄國郡尚為隋守建德因其迴兵欲攻之營於城下遣大理官引化及出營東南二里許宣令數其罪



并二子一號魏王一號蜀王同時化及旦死更無餘言  
受戮按蜀王乃士及所封今不取

但云不負夏王

夏戶雅翻

建德每戰勝克城所得資財悉以

分將士身無所取又不噉肉常食蔬茹粟飯妻曹氏不

衣紈綺

將即亮翻噉徒覽翻又徒濫翻衣於既翻紈音九綺區几翻

所役婢妾纔十

許人及破化及得隋宮人千數即時散遣之以隋黃門

侍郎裴矩為左僕射掌選事

選宣絹翻

兵部侍郎崔君肅為

侍中

考異曰革命記作君秀今從舊書建德傳

少府令何稠為工部尚書

漢書

百官表少府泰官至北齊不置少府以其屬官併太府寺隋煬帝大業三年始分太府為少府監置監少監其

後改監為令少監  
為少令少詩照翻

右司郎中柳調為左丞

六典左右司郎中前代不

置場帝三年尚書都司始置左右司郎各一人掌都省  
之職品同諸曹郎從五品司馬彪續漢書云尚書丞一  
人秦所置漢因之成帝置列曹尚書更置丞四人至光  
武減其二惟置左右丞各一人丞者承也言承助令僕  
總理臺事也

虞世南為黃門侍郎歐陽詢為太常卿詢紇之

子也

歐陽紇見一百七十卷陳宣帝太建元年紇下沒翻

自餘隨才授職委以政

事其不願留欲詣關中及東都者亦聽之仍給資糧以

兵援之出境隋驍果尚近萬人亦各縱遣任其所之

驍

堯翻近其靳翻

又與王世充結好

好呼到翻

遣使奉表於隋皇泰主

使疏  
吏翻

皇泰主封為夏王建德起於羣盜雖建國未有文

物法度裴矩為之定朝儀制律令

為于偽翻  
朝直遙翻

建德甚悅

每從之諮訪典禮

甲辰上考第羣臣以李綱孫伏伽

為第一

伽求  
加翻

因置酒高會謂裴寂等曰隋氏以主驕臣

諂亡天下朕即位以來每虛心求諫然惟李綱差盡忠

款孫伏伽可謂誠直餘人猶踵敝風俛眉而已豈朕所

望哉朕視卿如愛子卿當視朕如慈父有懷必盡勿自

隱也因命捨君臣之敬極歡而罷

遣前御史大夫段

確使於朱粲

使疏吏翻

初上為隋殿內少監

少始照翻

宇文士

及為尚輦奉御

隋尚輦局屬殿內省

上與之善士及從化及至黎

陽上手詔召之士及潛遣家僮間道詣長安又因使者

獻金環

金環言欲還長安間古覓翻使疏吏翻

化及至魏縣兵勢日蹙士

及勸之歸唐化及不從內史令封德彝說士及於濟北

徵督軍糧以觀其變

說輸為翻濟子禮翻

化及稱帝立士及為蜀

王化及死士及與德彝自濟北來降

降戶江翻

時士及妹為

昭儀由是授上儀同上以封德彝隋室舊臣而諂巧不

忠深誚責之

誚才笑翻

罷遣就舍德彝以祕策干上上悅尋

拜內史舍人俄遷侍郎甲寅隋夷陵郡丞安陸許紹

帥黔安武陵澧陽等諸郡來降

梁置宜州於夷陵郡西魏改曰拓州後周改曰

峽州宋白曰周武帝以州扼三峽之口故名隋煬帝改為夷陵郡改安州為安陸郡黔州為黔安郡武陵郡梁置武州後改曰沅州隋改曰朗州大業復為郡澧陽隋初置澧州大業改為郡帥讀曰率澧音禮考異曰舊書傳云世充篡位乃來降按世充紹幼與帝同學詔以

篡在四月實錄紹降在此今從之

紹為峽州刺史賜爵安陸公丙辰以徐世勣為黎州

總管

後魏置黎陽郡於黎陽縣後置黎州至隋州郡並廢以黎陽縣屬汲郡今復置黎州

丁巳

驃騎將軍張孝珉以勁卒百人襲王世充汜水城入其

郭沈米船百五十艘

隋志汜水縣舊曰成臯即虎牢也後魏置東中府東魏置北豫州後

周置滎州開皇初曰鄭州十八年改成臯曰汜水驃  
匹妙翻騎奇寄翻下同汜音祀沈持林翻艘蕪遭翻

已未世充寇穀州世充以秦叔寶為龍驤大將軍

驤思將翻

程知節為將軍待之皆厚然二人疾世充多詐知節謂

叔寶曰王公器度淺狹而多妄語好為呪誓此乃老巫

嫗耳

好呼到翻呪職  
救翻嫗威遇翻

豈撥亂之主乎世充與唐兵戰於

九曲

水經注洛水自宜陽而東逕九曲南其地十里有  
阪九曲穆天子傳所謂天子西征升于九阿此是

也洛水又東與豪水會豪水出新安縣密山南流歷九曲東而南流入于洛舊志熊州壽安縣義寧元年移治

九曲城

叔寶知節皆將兵在陳

將即亮翻陳讀曰陣

與其徒數十騎

西馳百許步下馬拜世充曰僕荷公殊禮

荷下可翻

深思報

効公性猜忌喜信讒言

喜許既翻

非僕託身之所今不能仰

事請從此辭遂躍馬來降

降戶江翻二月王世充將兵圍新安將

考異曰河洛記

軍程咬金帥其徒以歸義按新安乃穀州也而梁載言十道志九曲在壽安壽安乃熊州也或者世充亦寇熊州乎世充不敢逼上使事秦王世民世民素聞其名厚禮

之以叔寶為馬軍總管知節為左三統軍時世充驍將

又有驃騎武安李君羨

隋改洛州為武安郡驍堅堯翻將即亮翻下守將同驃匹妙翻

寄奇

征南將軍臨邑田留安

隋臨邑縣屬齊郡

亦惡世充之為

人惡鳥

帥眾來降

帥讀曰率降戶江翻

世民引君羨置左右以留

安為右四統軍

王世充囚李育德之兄厚德於獲嘉

獲嘉漢縣武帝巡幸至此聞破南越獲呂嘉因以名縣隋屬河內郡

厚德與其守將趙君

穎逐殷州刺史段大師以城來降以厚德為殷州刺史

隋開皇十六年於獲嘉縣置殷州大業初州廢王世充復置今因以命厚德

竇建德陷邢

州執總管陳君賓上遣殿內監竇誕

隋煬帝置殿內監諱中改為內



唐為殿中監是時

右衛將軍宇文歆

秦漢始置衛將軍  
晉武帝分為左右

蓋未改隋官名也  
二衛下至隋初皆因之煬帝改  
左右翊衛唐復舊歆許金翻

助并州總管齊王元吉

守晉陽誕抗之子也

實抗后兄也  
并早盈翻

尚帝女襄陽公主元

吉性驕侈奴客婢妾數百人好使之被甲戲為攻戰

呼好

到翻下同被  
皮義翻下同

前後死傷甚衆元吉亦嘗被傷其乳母陳

善意苦諫元吉醉怒命壯士歐殺之

歐鳥  
口翻

性好田獵載

罔罟三十車嘗言我寧三日不食不能一日不獵常與

誕遊獵蹂踐人禾稼

蹂人  
九翻

又縱左右奪民物當衢射人

觀其避箭

射而亦翻

夜開府門宣淫他室百姓憤怒歆屢諫

不納乃表言其狀壬戌元吉坐免官

為元吉失守張本

癸亥

陟州刺史李育德

按志是年育德以修武縣濁鹿城降置陟州因武陟為名

攻下王

世充河內堡聚三十一所乙丑世充遣其兄子君廓侵

陟州李育德擊走之斬首千餘級李厚德歸省親疾使

李育德守獲嘉

李厚德蓋歸濁鹿省親而使育德守獲嘉也省悉景翻

世充併兵

攻之丁卯城陷育德及第三人皆戰死己巳李公逸

以雍丘來降拜杞州總管以其族弟善行為杞州刺史

隋志梁郡雍丘縣後魏置陽夏郡開皇廢郡置杞州大業廢州為縣李公逸因亂據之今復置州時邊要州置總管及刺史

隋吏部侍郎楊恭仁從宇文化及至河北化

及敗魏州總管元寶藏獲之已已送長安上與之有舊

拜黃門侍郎尋以為涼州總管恭仁素習邊事曉羌胡

情偽民夷悅服自葱嶺已東並入朝貢

按恭仁至長安時李軌尚據河

西唐未得涼州也安能遠及葱嶺乎史終言恭仁事耳是年五月安興貴執李軌方遣楊恭仁安撫河西朝直

遙翻突厥始畢可汗將其衆度河至夏州

夏州漢朔方之地赫連所

都統萬也魏滅赫連以為統萬鎮魏太和十一年置夏州因赫連故國名以名州隋大業改州為朔方郡今復

以朔方郡為夏州厥九勿翻可  
從刊入聲汗音寒夏戶雅翻

梁師都發兵會之以五

百騎授劉武周欲自句注入寇太原

騎奇寄翻句音鉤又如字又音拘

會始畢卒

考異曰高祖實錄六月己酉始畢可汗卒疑遣使告喪月日也今從舊書本紀列傳

子

什鉢苾幼未可立

苾毗必翻

立其弟俟利弗設為處羅可汗

俟渠之翻處昌呂翻

處羅以什鉢苾為尼步設使居東偏直幽州

之北

直當也尼女夷翻

先是上遣右武侯將軍高靜奉幣使於

突厥

使疏吏翻

至豐州

復以五原郡為豐州豐州漢朔方臨戎縣地後周保定三年置永豐鎮隋

開皇五年置豐州因鎮為名大業廢州為五原郡唐復為州大元以豐州置天德軍節度屬大同府路聞

始畢卒勅納於所在之庫突厥聞之怒欲入寇豐州總

管張長遜遣高靜以幣出塞為朝廷致賻

為于偽翻賻音附貨財曰

賻

突厥乃還

還從宣翻又如字

三月庚午梁師都寇靈州長

史楊則擊走之

邊要之州置總管刺史長史司馬長知兩翻

壬申王世充

寇穀州刺史史萬寶戰不利

庚辰隋北海通守鄭虔

符文登令方惠整及東海齊郡東平任城平陸壽張須

昌賊帥王薄等並以其地來降

煬帝以青州為北海郡守式又翻文登縣屬東

萊郡以海州為東海郡齊州為齊郡鄆州為東平郡須昌縣屬焉任城平陸二縣屬魯郡壽張縣屬齊北郡任

音士帥所類  
翻降戶江翻

王世充之寇新安也外示攻取實召文

武之附已者議受禪李世英深以為不可曰四方所以

奔馳歸附東都者以公能中興隋室故也

中竹仲翻  
又如字今

九州之地未清其一遽正位號恐遠人皆思叛去矣世

充曰公言是也長史韋節楊續等曰隋氏數窮在理昭

然夫非常之事固不可與常人議之

扶夫音

太史令樂德

融曰昔歲長星出乃除舊布新之徵

隋志大業十三年  
六月有星孛于太

徵五帝座色黃  
赤長三四尺許

今歲星在角亢亢鄭之分野

晉天文志  
自軫十二

度至氏四度為壽星於辰在辰鄭之分野屬兗州陳卓  
范蠡鬼谷先生張良諸葛亮京房譙周張衡並云角亢  
氏鄭兗州亢音  
剛分扶問翻 若不亟順天道恐王氣衰息世充從之

外兵曹參軍戴胄

外兵曹隋官無之世充取  
魏晉以來官制而置之耳

言於世充

曰君臣猶父子也休戚同之明公莫若竭忠徇國則家

國俱安矣世充詭辭稱善而遣之世充議受九錫胄復

固諫

復扶  
又翻

世充怒出為鄭州長史使與兄子行本鎮虎

牢

長知  
兩翻

乃使段達等言於皇泰主請加世充九錫皇泰

主曰鄭公近平李密已拜太尉

事見去年  
九月十月

自是以來未

有殊績俟天下稍平議之未晚段達曰太尉欲之皇泰

主熟視達曰任公辛巳達等以皇泰主之詔命世充為

相國假黃鉞總百揆進爵鄭王加九錫鄭國置丞相以

下官 初宇文化及以隋大理卿鄭善果為民部尚書

從至聊城為化及督戰中流矢

為化于偽翻下何為同中竹仲翻

實建

德克聊城王琮獲善果責之曰公名臣之家

鄭善果父誠討尉遲

迴以力戰死由是為隋名臣家

隋室大臣奈何為弑君之賊効命苦戰

傷痍至此乎善果大慙欲自殺宋正本馳往救止之建



德復不為禮乃奔相州

相息亮翻

淮安王神通送之長安庚

午善果至上優禮之拜左庶子檢校內史侍郎

隋室之臣若宇

文士及鄭善果

齊王元吉諷并州父老詣闕留已甲

安可復用乎

申復以元吉為并州總管

復扶又翻

戊子淮南五州皆遣

使來降

使疏吏翻降戶江翻

辛卯劉武周寇并州

壬辰營州

總管鄧暉擊高開道敗之

暉古浩翻敗補邁翻

甲午王世充遣

其將高毗寇義州

新志武德元年以衛州之汲新鄉置義州仍高齊舊州名也將即亮翻

東都道士桓法嗣獻孔子閉房記於王世充言相國

當代隋為天子

嗣祥吏翻  
相息亮翻

世充大悅以法嗣為諫議大

夫世充又羅取雜鳥書帛繫頸自言符命而縱之有得

鳥來獻者亦拜官爵於是段達以皇泰主命加世充殊

禮世充奉表三讓百官勸進設位於都堂納言蘇威年

老不任朝謁

任音士朝  
直遇翻

世充以威隋氏重臣欲以眩耀

士民每勸進必冠威名

冠古  
玩翻

及受殊禮之日扶威置百

官之上然後南面正坐受之夏四月劉武周引突厥

之衆軍於黃蛇嶺

嶺在榆  
次縣北

兵鋒甚盛

厥九  
勿翻

齊王元吉使

車騎將軍張達以步卒嘗寇

嘗試也騎奇寄翻

達辭以兵少不

可往元吉強遣之

少詩沼翻強其兩翻

至則俱沒達忿恨庚子引

武周襲榆次陷之

榆次縣屬并州漢古縣也

散騎常侍段確性嗜

酒奉詔慰勞朱粲於菊潭

是年二月段確以前御史大夫出使今書散騎常侍蓋續

命之散悉直翻騎奇寄翻勞力到翻

辛丑乘醉侮粲曰聞卿好噉人人作

何味

好呼到翻噉徒濫翻又徒覽翻下同

粲曰噉醉人三如糟藏彘肉確

怒罵曰狂賊入朝為一頭奴耳復得噉人乎粲於座收

確及從者數十人悉烹之

朝直遙翻復扶又以翻下同從才用翻

以噉左右

遂屠菊潭奔王世充世充以為龍驤大將軍

驤思將翻

王

世充令長史韋節楊續等及太常博士衡水孔穎達

長知兩翻

衡水縣屬冀州本漢桃縣隋開皇十六年置衡水縣

造禪代儀遣段達雲定興等

十餘人入奏皇泰主曰天命不常鄭王功德甚盛願陛

下遵唐虞之迹皇泰主斂膝據按怒曰天下高祖之天

下若隋祚未亡此言不應輒發必天命已改何煩禪讓公

等或祖禰舊臣

禰乃禮翻

或台鼎高位既有斯言朕復何望顏

色凜冽

言嚴冷也

在廷者皆流汗退朝泣對太后世充更使人

謂之曰今海內未寧須立長君

朝直遇翻  
長知兩翻

俟四方安集

當復子明辟必如前誓

謂去年七月禁  
中被髮之誓也

癸卯世充稱皇

泰主命禪位于鄭遣其兄世恽幽皇泰主於含涼殿

恽於

翻初雖有三表陳讓及敕書敦勸皇泰主皆不知也遣諸

將引兵入清宮城又遣術人以桃湯葦火祓除禁省

將即

亮翻下同  
祓教勿翻

隋將帥郡縣及賊帥前後繼有降者

帥所  
類翻

降戶江詔以王薄為齊州總管

齊州治歷城縣古歷下  
城也漢為歷城縣劉宋

僑立冀州於此魏為濟南郡  
隋立濟州唐復隋初之舊

伏德為濟州總管鄭虔符

為青州總管慕容公順為淮州總管

濟子禮翻宋白曰濟州古礪礪城也秦為

東郡在平地宋置礪礪城及濟北郡後魏立濟州按慕容順本起北海新志云是年分青州之北海營丘下密

置 淮州蓋以公順為淮州總管淮當

王孝師為滄州總

管

宋白曰滄州禹疏九河在此州界漢置勃海郡理浮陽後魏置滄州

甲辰遣大理卿

新樂郎楚之安撫山東

舊志曰新樂古鮮虞子國漢新市縣屬中山郡隋改為新樂縣

唐屬定州宋白曰隋開皇十六年置新樂縣新樂者漢成帝時中山孝王母馮昭儀隨王就國建宮於西鄉呼

為西樂城後語訛呼西為新故曰新樂樂音洛

秘書監夏侯端安撫淮左

乙

己王世充備法駕入宮即皇帝位丙午大赦改元開明

丁未隋禦衛將軍陳稜以江都來降以稜為揚州總

管

揚州漢廣陵江都之地自漢以來揚州所治不常厥邑至唐廣陵始專有揚州之名

戊申王

世充立子玄應為太子玄恕為漢王餘兄弟宗族十九

人皆為王奉皇泰主為潞國公以蘓威為太師段達為

司徒雲定興為太尉張僅為司空楊續為納言韋節為

內史

內史下當有令字

王隆為左僕射韋霽為右僕射齊王世

暉為尚書令楊汪為吏部尚書杜淹為少吏部

少吏部即吏部

侍郎暉於粉鄭顥為御史大夫

顥他鼎翻

世暉世充之兄也

又以國子助教吳人陸德明為漢王師

晉武帝立國子學置助教掌佐

博士教授後世因之令玄恕就其家行束脩禮

論語孔子曰自行束脩以上吾未嘗

無誨焉朱子曰脩脯也十脰為束古者相見必執贄以為禮束脩其至薄者後世緣夫子之言遂以為事師之

禮德明恥之服巴豆散卧稱病

巴豆有毒能痢人散悲但翻

玄恕入

跪牀下對之遺利竟不與語德明名朗以字行

陸德明過孔穎

達達

世充於闕下及玄武門等數處皆設榻坐無常所

親受章表或輕騎歷衢市亦不清道

天子清道而後行騎奇寄翻

民

但避路而已世充按轡徐行語之曰

語牛倨翻

昔時天子深



居九重

重直龍翻

在下事情無由聞徹

徹刺列翻

今世充非貪天

位但欲救恤時危正如一州刺史親覽庶務當與士庶

共評朝政尚恐門有禁限今於門外設坐聽朝

朝直遙翻下同

坐祖卧翻

宜各盡情又令西朝堂納寃抑東朝堂納直諫於

是獻策上書者日有數百條流既煩

上時掌翻條流猶言條派

省覽

難遍

省悉景翻

數日後不復更出

復扶又翻

竇建德聞王世充

自立乃絕之始建天子旌旗出警入蹕下書稱詔追謚

隋煬帝為閔帝齊王暕之死也

謚神至翻江都之難齊王暕亦死暕古限翻

有遺腹子政道建德立以為鄖公

鄖音云

然猶依倚突厥

以壯其兵勢

厥九勿翻

隋義成公主遣使迎蕭皇后及南陽

公主建德遣千餘騎送之

使疏吏翻騎奇寄翻

又傳字文化及首

以獻義成公主 丙辰劉武周圍并州齊王元吉拒却

之戊午詔太常卿李仲文將兵救并州

將即亮翻

王世充

將軍丘懷義居門下內省召越王君度漢王玄恕將軍

郭士衡雜妓妾飲博侍御史張蘊古彈之世充大怒令

散手執君度玄恕批其耳數十

散手者散手仗也凡朝會之仗三衛番上分為五仗

一曰供奉仗以左右衛為之二曰親仗以親衛為之三  
曰勲仗以勲衛為之四曰翊仗以翊衛為之皆服鶡冠  
緋衫袂五曰散手仗以親勲翊衛為之服緋純襖襠繡  
野馬列生于東西廊下唐謂之衙內五衛唐蓋因隋制  
世充亦因隋制也效渠綺翻彈徒丹又命引入東上閣  
翻散悉但翻批蒲鰲翻又普迷翻

杖之各數十

東都皇宮正殿曰乾陽殿殿左曰東上閣右曰西上閣閣各有門

懷義士

衡不問賞蘊古帛百段遷太子舍人君度世充之兄子

也世充每聽朝殷勤誨諭言詞重複

朝直遙翻重直龍翻

千端萬

緒侍衛之人不勝倦弊

勝音升

百司奏事疲於聽受御史

大夫蘇良諫曰陛下語太多而無領要

領要猶漢人言要領也計

云爾即可何煩許辭也世充默然良久亦不罪良然性

如是終不能改也王世充數攻伊州

數所角翻

總管張善

相拒之糧盡援兵不至癸亥城陷善相罵世充極口而

死帝聞歎曰吾負善相善相不負吾也賜其子襄城郡

公

相息亮翻子下當有爵字蜀本然

五月王世充陷義州復寇西濟

州

新志濟源縣武德二年王世充將丁伯德以縣來降置西濟州復扶又翻濟子禮翻

遣右驍衛

大將軍劉弘基將兵救之

驍堅亮翻基將即亮翻下同

李軌將安

修仁兄興貴仕長安表請說軌諭以禍福

說式芮翻下同

上曰

軌阻兵恃險連結吐谷渾突厥

吐從微入聲谷音浴厥九勿翻

吾興兵

擊之尚恐不克豈口舌所能下乎興貴曰臣家在涼州

奕世豪望為民夷所附第修仁為軌所信任子弟在機

近者以十數臣往說之

說式芮翻

軌聽臣固善若其不聽圖

之肘腋易矣

腋音亦易以鼓翻

上乃遣之興貴至武威軌以為

左右衛大將軍興貴乘間說軌曰

間古覓翻

涼地不過千里

土薄民貧今唐起太原取函秦宰制中原戰必勝攻必

取此殆天啟非人力也不若舉河西歸之則竇融之功

復見於今日矣

竇融事見漢光武紀復扶又翻

軌曰吾據山河之固彼

雖彊大若我何汝自唐來為唐遊說耳

為于偽翻

興貴謝曰

臣聞富貴不歸故鄉如衣繡夜行

項羽之言衣於既翻

臣闔門受

陛下榮祿安肯附唐但欲效其愚慮可否在陛下耳於

是退與修仁陰結諸胡起兵擊軌軌出戰而敗嬰城自

守興貴徇曰大唐遣我來誅李軌敢助之者夷三族城

中人爭出就興貴執計窮與妻子登玉女臺

軌築玉女臺見上卷

年上置酒為別庚辰興貴執之以聞河西悉平鄧曉在長

安舞蹈稱慶上曰汝為人使臣

使疏吏  
下同

聞國亡不感而

喜以求媚於朕不忠於李軌肯為朕用乎遂廢之終身

是年二月李軌  
遣鄧曉入見

軌至長安并其子弟皆伏誅以安興貴

為右武侯大將軍上柱國涼國公賜帛萬段安修仁為

左武侯大將軍申國公

隋末離石胡劉龍兒

舊志云  
離石漢

縣後周改名昌化郡隋為離石郡唐  
為石州離石胡匈奴種也即稽胡

擁兵數萬自號劉

王以其子李真為太子虎賁郎將梁德擊斬龍兒

賁音  
奔將

即亮

至是李真與第六兒復舉兵為亂

復扶  
又翻

引劉武周

之衆攻陷石州殺刺史王儉季真自稱突利可汗

可從刊入

聲汗音寒

以六兒為拓定王六兒遣使請降

降戶江翻

詔以為嵐

州摠管

以樓煩郡置嵐州宋白曰因界內奇嵐山立名嵐盧含翻

壬午以秦王世

民為左武侯大將軍使持節涼甘等九州諸軍事涼州

摠管

九州凉甘瓜鄯肅會蘭河廓皆李軌所據之地也

其太尉尚書令雍州牧

陝東道行臺並如故

雍於用翻陝朱冉翻

遣黃門侍郎楊恭仁安

撫河西 丙戌劉武周陷平遥

平遥縣屬汾州即漢平陶縣魏避國諱改陶為

遥

癸巳梁州摠管山東道安撫副使陳政為麾下所



殺攜其首奔王世充政茂之子也

隋書陳茂傳政歸唐卒於梁州摠管不言

死於山東通鑑當是據實錄諸書但是時山東無梁州或者政先為梁州摠管後安撫山東而死也陳茂事隋

文帝典機密

王世充以禮部尚書裴仁基左輔大將軍裴

行儼有威名忌之仁基父子知之亦不自安乃與尚書

左丞宇文儒童儒童弟尚食直長溫

隋制尚食局屬殿中省有奉御有直

長和兩翻

散騎常侍崔德本謀殺世充及其黨

散悉亶翻騎奇寄翻

復尊立皇泰主事泄皆夷三族齊王世暉言於世充曰

儒童等謀反正為皇泰主尚在故也

復扶又翻暉於於翻為于偽翻下同

不如早除之世充從之遣兄子唐王仁則及家奴梁百

年酖皇泰主皇泰主曰更為請太尉以往者之言未應

至此

謂世充往有復子明辟之言既不能踐今不應遽殺之也

百年欲為啟陳

為于偽翻

世憚不許又請與皇太后辭訣亦不許乃布席焚香禮

佛願自今已往不復生帝王家飲藥不能絕以帛縊殺

之謚曰恭皇帝

縊於賜翻又於計翻謚神至翻

世充以其兄楚王世偉

為太保齊王世憚為太傅領尚書令六月庚子竇建

德陷滄州

滄州隋之勃海郡

初易州賊帥宋金剛有衆萬餘與

魏刀兒連結

易州上谷郡宋白曰易州六國時燕地秦并天下是為上谷郡漢置涿郡今州即涿

郡故安縣地圖經云隋初自今遂城縣所理英雄城移南營州居燕之侯臺仍改名易州取州南易水為名帥

所類

刀兒為竇建德所滅

去年十二月建德滅刀兒

金剛救之戰敗

帥眾四千西奔劉武周

帥讀日率

武周聞其善用兵得之甚

喜號曰宋王委以軍事中分家貲以遺之

遺于李翻

金剛亦

深自結出其故妻納武周之妹因說武周圖晉陽南向

爭天下

說輸為翻

武周以金剛為西南道大行臺使將兵三

萬寇并州

將即亮翻下周將人將同

丁未武周進逼介州

義寧元年以介休平

還置介休郡武德元年曰介州

沙門道澄以佛幡縋之入城

縋他

遂陷

介州詔左武衛大將軍姜寶誼行軍總管李仲文擊之

武周將黃子英往來雀鼠谷

新志介休縣有雀鼠谷將即亮翻

數以輕

兵挑戰

數所角翻挑徒了翻

兵纔接子英陽不勝而走如是再三

寶誼仲文悉衆逐之伏兵發唐兵大敗寶誼仲文皆為

所虜

考異曰舊裴寂傳云寶誼仲文相次陷沒按實錄二人敗處皆在雀鼠谷賊將黃子英陽不勝以

誘之遇伏而沒事迹並同必一時兵戰皆被擒耳

既而俱逃歸上復使二人將

兵擊武周

復扶又翻

已酉突厥使來告始畢可汗之喪

厥九

勿翻使疏吏翻下同  
可從刊入聲汗音寒

上舉哀于長樂門

六典長安宮城南面三門中日

承天東曰長樂西  
日永安樂音洛

廢朝三日

朝直遙翻

詔百官就館弔其使

者又遣內史舍人鄭德挺弔處羅可汗賻帛三萬段

處昌

呂翻賻  
音附

上以劉武周入寇為憂右僕射裴寂請自行

癸亥以寂為晉州道行軍總管

晉州曹魏之平陽郡後魏真君四年置東雍州

孝昌中改為唐州建義元年又改為晉州隋為臨汾郡唐後為晉州

討武周聽以便宜從

事秋七月初置十二軍分關內諸府以隸焉皆取天

星為名

以萬年道為參旗軍長安道為鼓旗軍富平道為玄戈軍醴泉道為井鉞軍同州道為羽林軍

華州道為騎官軍寧州道為折威軍岐州道為平道軍  
幽州道為招搖軍西麟州道為苑遊軍涇州道為天紀  
軍宜州道為天節軍以車騎府統之每軍將副各一人取威名素

重者為之

騎奇寄翻將  
即亮翻下同

督以耕戰之務由是士馬精彊

所向無敵

海岱賊帥徐圓朗以數州之地請降

言徐圓  
朗跨據

數州東至海西距岱帥  
所類翻降戶江翻下同

拜兖州摠管

兖州隋之魯郡禹貢  
之兖州東南據濟西

北距河封域廣矣後漢以來兖州所治不常  
厥邑所部亦廣至是始專以魯郡為兖州

封魯國公

王世充遣其將羅士信寇穀州士信帥其衆千餘人來降

帥讀曰  
率下同

先是士信從李密擊世充兵敗為世充所得

先悉  
薦翻

世充厚禮之與同寢食既而得邴元真等待之如士信

士信恥之士信有駿馬世充兄子趙王道詢欲之不與

世充奪之以賜道詢士信怒故來降上聞其來甚喜遣

使迎勞

使疏吏翻勞力到翻

廩食其所部

食祥吏翻

以士信為陝州道

行軍總管

陝失冉翻宋白曰陝州即周二伯分陝之地後魏太和十一年置陝州

世充左

龍驤將軍臨涇席辯

新志臨涇縣屬涇州驤思將翻

與同列楊虔安李

君義皆帥所部來降

丙子王世充遣其將郭士衡寇

穀州刺史任瓌大破之俘斬且盡

任音士瓌古回翻

甲申行軍

揔管劉弘基遣其將种如願襲王世充河陽城

种音冲

毀

其河橋而還

還從宣翻又如字

乙酉西突厥統葉護可汗高

昌王麴伯雅各遣使入貢初西突厥曷娑那可汗入朝

于隋隋人留之國人立其叔父號射匱可汗

事見一百八十一卷

煬帝大業七年厥九勿翻可從刊入聲娑素何翻朝直遥翻

射匱者達頭可汗之孫

也既立拓地東至金山

按開元中以西州為金山都督府又突厥之先興於金山在高

昌西北則知是山近高昌

西至海

此西海也

遂與北突厥為敵建庭於龜

茲北三彌山

龜茲音丘慈

射匱卒子統葉護立統葉護勇而



有謀北并鐵勒控弦數十萬據烏孫故地又移庭於石

國北千泉

石國康居枝庶之分王者也治柘折城漢時大宛北鄙也

西域諸國皆臣

之葉護各遣吐屯監之督其征賦

監工衙翻

辛卯宋金剛

寇浩州浹旬而退

唐初改西河郡為浩州浹子協翻

八月丁酉鄯公

薨

鄯奚主翻

謚曰隋恭帝無後以族子行基嗣

嗣祥吏翻

竇建

德將兵十餘萬趣洛州

洛州隋之武安郡

淮安王神通帥諸軍

退保相州己亥建德兵至洛州城下

將即亮翻下充將禮將同趣七喻翻

下同洛音名帥讀曰率下同相息亮翻

丙午將軍秦武通軍至洛陽敗

王世充將葛彥璋

敗補邁翻

丁未竇建德陷洛州摠管袁

子幹降之

降戶江翻子蓋奏到之日

考異曰實錄作甲

乙卯引兵趣

相州淮安王神通聞之帥諸軍就李世勣於黎陽梁

師都與突厥合數千騎寇延州

延州隋之延安郡騎奇寄翻厥九勿翻

行

軍摠管段德操兵少不敵閉壁不戰伺師都稍怠九月

丙寅遣副摠管梁禮將兵擊之師都與禮戰方酣德操

以輕騎多張旗幟掩擊其後

少詩沼翻伺相吏翻酣戶江翻幟昌志翻

師都

軍潰逐北二百里破其魏州

新志綏州成平縣置魏州因魏平關而名

虜男

女二千餘口德操孝先之子也

段孝先柄用於高齊之季

蕭銑遣

其將楊道生寇峽州刺史許紹擊破之銑又遣其將陳

普環帥舟師上峽規取巴蜀

將即亮翻上時掌翻

紹遣其子智仁

及錄事參軍李弘節等追至西陵大破之

夷陵孫吳之西陵世謂之

步闡壘唐貞觀九年峽州徙治焉隋之峽州本治下牢  
戍在步闡壘西南二十八里水經江水逕夷陵縣南又  
東逕流頭灘狼尾灘黃牛山之黃牛灘而後逕西陵峽  
出峽東南流而後逕步闡壘此蓋自下牢追至西陵峽

也擒普環銑遣兵戍安蜀城及荆門城

安蜀城在公安縣界荆門城在

長林縣界皆荆  
州西南要地

先是上遣開府李靖詣夔州經略

巴東郡舊

置信州是年改夔州杜佑曰避皇  
外祖獨孤信諱改之先悉薦翻

蕭銑句靖至峽州阻

銑兵久不得進上怒其遲留陰敕許紹斬之

不以明詔而陰敕猶

欲以宿憾殺之

紹惜其才為之奏請獲免

為于偽翻

己巳竇建德

陷相州殺刺史呂珉

相息亮翻辰蓋亦奏到之日

考異曰實錄作庚今從革命記

民部尚書魯公劉文靜自以才略功勲在裴寂之右而

位居其下意甚不平每廷議寂有所是文靜必非之數

侵侮寂

數所角翻下同

由是有隙文靜與弟通直散騎常侍文

起飲酒酣怨望拔刀擊柱曰會當斬裴寂首家數有妖

散悉亶翻騎奇寄翻妖於驕翻文起召巫於星下被髮銜刀為厭勝被皮

義翻厭於業翻文靜有妾無寵使其兄上變告之上時掌翻上以文

靜屬吏屬之欲翻遣裴寂蕭瑀問狀文靜曰建義之初忝為

司馬計與長史位望略同長知兩翻今寂為僕射據甲第甲第

甲於諸第也臣官賞不異衆人東西征討老母留京師風雨

無所庇實有舛望之心舛望怨望也舛苦冗翻因醉怨言不能自

保上謂羣臣曰觀文靜此言反明白矣李綱蕭瑀皆明

其不反秦王世民為之固請曰昔在晉陽文靜先定非

常之策始告寂知

事見一百八十四卷隋恭帝義寧元年為于偽翻

及克京城

任遇懸隔令文靜失望則有之

丁令力翻

非敢謀反裴寂言

於上曰文靜才略實冠時人性復麤險

冠古玩翻復扶又翻

今天

下未定留之必貽後患上素親寂低回久之卒用寂言

卒子恤翻

考異曰高祖實錄唐書唐歷等皆以文靜

之死由於裴寂今據實錄此年六月裴寂為晉州道行

軍總管討劉武周此月丁丑為宋金剛敗於介州去文

靜死才七日此時不當在京師實錄曰高祖低回者久

之蓋寂未行時先有此言高

辛未文靜及文起坐死籍

祖未忍殺至是乃決意耳

沒其家 沈法興既克毗陵

克毗陵見一百八十五卷元年三月謂江淮

之南指撫可定

撫與麾同

自稱梁王都毗陵改元延康置百

官性殘忍專尚威刑將士小有過即斬之由是其下離

怨時杜伏威據歷陽陳稜據江都李子通據海陵俱有

窺江表之心法興軍數敗會子通圍稜於江都稜送質

求救於法興

將即亮翻下同數所角翻質音致

及伏威法興使其子綸

將兵數萬與伏威共救之伏威軍清流綸軍楊子相去

數十里

舊志清流縣漢全椒縣地梁置南譙州居桑根山之朝陽在今縣西南八十里南譙州故城是

也北齊自南譙故城徙治於新昌郡城今滁州治清流縣是也隋志江都郡帶江陽縣有江都宮楊子宮唐永

淳元年始分江都縣置楊子縣今真州治其地宋白曰清流縣因縣東清流水為名隋文帝更梁新昌縣為清流縣

子通納言毛文深獻策募江南人詐為綸兵夜襲伏威營伏威怒復遣兵襲綸

復扶又翻

由是二人相疑莫敢先

進子通得盡銳攻江都克之稜奔伏威子通入江都因

縱擊綸大破之伏威亦引去子通即皇帝位國號吳改

元明政丹陽賊帥樂伯通帥眾萬餘降之

丹陽郡隋初之蔣州賊帥所類

翻通帥讀曰率降戶江翻

子通以為左僕射

杜伏威請降丁丑以

伏威為淮南安撫大使和州摠管

和州漢歷陽縣地九江都尉治所晉氏南



度置戍守以防江侯景之亂江西皆入高齊置和州於歷陽以南北通和往來之津要也大業廢州為歷陽郡今復以歷陽郡為和州使疏吏翻

裴寂至介休

介休漢古縣因介子推介山而名時為介州

宋金剛據城拒之寂軍于度索原營中飲澗水金剛絕之士卒渴乏寂欲移營就水金剛縱兵擊之寂軍遂潰  
失亡略盡寂一日一夜馳至晉州先是劉武周屢遣兵攻西河浩州刺史劉贍拒之  
浩州隋之西河郡先悉薦翻贍而艷翻李仲文引兵就之與共守西河及裴寂敗自晉州以北城鎮俱沒唯西河獨存姜寶誼復為金剛所虜謀逃歸金剛

殺之

復扶又翻

裴寂上表謝罪

上時掌翻

上慰諭之復使鎮撫河

東

劉文靜淺水原之敗貶落不偶以至於誅裴寂度索原之敗位任如故唐高祖以賞罰馭臣上下其手矣

劉武周進逼并州齊王元吉給其司馬劉德威曰卿以

老弱守城吾以彊兵出戰辛巳元吉夜出兵攜其妻妾

棄州奔還長安

給蕩亥翻還從宣翻

元吉始去武周兵已至城下

晉陽土豪薛深以城納武周上聞之大怒謂禮部尚書

李綱曰元吉幼弱未習時事故遣竇誕宇文歆輔之

許歆

今翻晉陽彊兵數萬食支十年興王之基一旦棄之聞宇

文歆首畫此策我當斬之綱曰王年少驕逸竇誕曾無

規諫又掩覆之

少詩照翻  
覆敷又翻

使士民憤怒今日之敗誕之

罪也歆諫王不悛尋皆聞奏

事見上二月  
悛丑緣翻

乃忠臣也豈

可殺哉明日上召綱入升御座曰我得公遂無濫刑元

吉自為不善非二人所能禁也并誕赦之衛尉少卿劉

政會在太原為武周所虜政會密表論武周形勢武周

據太原遣宋金剛攻晉州拔之虜右驍衛大將軍劉弘

基

驍堅  
堯翻

弘基逃歸金剛進逼絳州陷龍門

宋白曰絳州  
晉都左傳所

謂新田也後周武成二年置絳州龍門漢皮氏縣也後魏改為龍門縣隋唐屬蒲州

### 西突厥曷

娑那可汗與北突厥有怨曷娑那在長安北突厥遣使

請殺之

厥九勿翻可從刊八聲汗音寒使疏吏翻

上不許羣臣皆曰保一人

而失一國後必為患秦王世民曰人窮來歸我殺之不

義上遲迴久之不得已丙戌引曷娑那於內殿宴飲既

而送中書省縱北突厥使者使殺之禮部尚書李綱領

太子詹事

漢書百官表詹事秦宮掌皇后太子家應劭云詹省也給也言給事太子家晉宋及後魏

用人漸重北齊摠東宮內外眾事無大小皆統之後周置太子宮正宮尹隋復置詹事唐統東宮三寺十率府

之政

太子建成始甚禮之久之太子漸昵近小人

昵尼質翻

近其

疾秦王世民功高頗相猜忌綱屢諫不聽乃乞骸

骨上罵之曰卿為何潘仁長史乃恥為朕尚書邪

長知兩翻

邪音

且方便卿輔導建成而固求去何也綱頓首曰潘

仁賊也每欲妄殺人臣諫之即止為其長史可以無愧

為長史事見一百八十四卷義寧元年

陛下創業明主臣不才所言如水

投石

言以水投石雖沾濕而不能受水

言於太子亦然臣何敢久污天

臺辱東朝乎

天臺謂尚書省東朝謂東宮汚烏故翻朝直還翻

上曰知公直士

勉留輔吾兒戊子以綱為太子少保尚書詹事如故

始少

照綱復上書諫太子飲酒無節及信讒慝踈骨肉

復扶又翻

下同上時掌翻慝吐得翻

太子不憚而所為如故綱鬱鬱不得志是

歲固稱老病辭職詔解尚書仍為少保 淮安王神通

使慰撫使張道源鎮趙州庚寅竇建德陷趙州

撫使疏吏翻宋

白曰趙州周穆王封造父於趙城即此地後魏置趙郡隋大業初置趙州 考異曰實錄今年三月建德陷趙

州此又云陷趙州蓋重複或三月是貝州唐統紀唯有九月陷趙州今從之

執摠管張志昂

及道源建德以二人及邢州刺史陳君賓不早下欲殺

之國子祭酒凌敬諫曰人臣各為其主用

為于偽

彼堅守

不下乃忠臣也今大王殺之何以厲羣下乎建德怒曰

吾至城下彼猶不降力屈就擒何可捨也敬曰今大王

使大將高士興拒羅藝於易水藝纔至興即降

將即亮翻降戶

江大王之意以為何如建德乃悟即命釋之 乙未梁

師都復寇延州

復扶又翻月師都又來寇

考異曰太宗實錄云經數按丙寅九月朔寇延州

乙未九月晦也今從高祖實錄

段德操擊破之斬首二千餘級師都以

百餘騎遁去

騎奇寄翻

德操以功拜柱國賜爵平原郡公鄜

州刺史郿城壯公梁禮戰沒

隋志上郡後魏置東秦州後改為北華州西魏為敷

州大業二年改為郿城郡後改為上郡唐為郿州郿音膚

冬十月己亥就加涼州

摠管楊恭仁納言賜幽州摠管燕公羅藝姓李氏封燕

郡王

自國公進封郡王唐制國公食邑三千戶郡王食邑五千戶皆從一品燕因肩翻

辛丑

李藝破竇建德於衡水

衡水縣屬冀州宋白曰衡水縣本漢桃縣隋開皇十六年置衡

水

癸卯以左武侯大將軍龐玉為梁州摠管時集州

獠反

新志武德元年析梁州之難江巴州之符陽長池白石置集州按舊志漢宕渠符陽之地也宋白曰

後魏恭帝改梁之東巴州為集州以東北集川水為名獠魯皓翻

玉討之獠據險自守



軍不得進糧且盡熟獠與反者皆鄰里親黨

近邊者為熟獠遠者

為生

爭言賊不可擊請玉還玉揚言秋穀將熟百姓母

得收刈一切供軍非平賊吾不返聞者大懼曰大軍不

去吾曹皆將餒死其中壯士乃入賊營與所親潛謀斬

其渠帥而降

帥所類翻下同降戶江翻

餘黨皆散玉追討悉平之劉

武周將宋金剛進攻澮州陷之

新志義寧元年以絳郡之翼城絳縣置澮州因澮水

而名將即亮翻下同澮古外翻

軍勢甚銳裴寂性怯無將帥之略唯發使

駱驛趣虞秦二州居民入城堡焚其積聚

駱驛相繼不絕也新志義寧元

年以蒲州之安邑虞鄉夏置安邑郡武德元年曰虞州  
又義寧元年以蒲州之汾陰龍門置汾陰郡武德元年  
曰泰州使疎吏翻趣讀曰促積聚上子  
賜翻下慈喻翻今人多讀如字非也  
民驚擾愁怨皆

思為盜夏縣民呂崇茂聚衆自稱魏王以應武周

夏縣古虞

公之地稷山虞坂皆在縣界隋屬河東郡時屬虞州杜  
佑曰夏縣漢安邑縣地夏都安邑城在縣北十五里蓋

以此名縣  
夏戶雅翻

寂討之為所敗

敗補邁翻

詔永安王孝基獨孤懷

恩陝州總管于筠內史侍郎唐儉等將兵討之

陝失丹翻將即

亮翻下同

時王行本猶據蒲反未下亦與武周相應

去年十月隋

將堯君素死王行本  
據蒲反事見上卷

關中震駭上出手敕曰賊勢如此

難與爭鋒宜棄大河以東謹守關西而已

所謂蒲津關以西也秦

王世民上表曰太原王業所基國之根本河東富實京

邑所資若舉而棄之臣竊憤恨

上時掌翻

願假臣精兵三萬

必冀平殄武周克復汾晉上於是悉發關中兵以益世

民所統使擊武周乙卯幸華陰至長春宮以送之

華戶化翻

竇建德引兵趣衛州

衛州漢汲縣地東魏立義州後周改衛州治汲宋白曰其州城

隋已前謂之陣城郡國縣道記武王伐紂於此列陣因名

建德每行軍常為三道

輜重細弱居中央步騎夾左右相去三里許

趣七喻翻重直用翻

騎奇寄翻下同

建德以千騎前行過黎陽三十里

黎陽縣在衛州東北百二

里十李世勣遣騎將丘孝剛將三百騎偵之

偵丑鄭翻

孝剛驍

勇善馬槊

驍堅亮翻槊色角翻

與建德遇遂擊之建德敗走右方

兵救之

右方用漢書語此謂建德兵之在右者也

擊斬孝剛建德怒還攻黎

陽克之

考異曰實錄黎陽陷在十一月丙子蓋亦奏到之日今從革命記

虜淮安王神

通李世勣父蓋魏徵及帝妹同安公主唯李世勣以數

百騎走度河數日以其父故還詣建德降衛州聞黎陽

陷亦降

降戶江翻下同

建德以李世勣為左驍衛將軍使守黎

陽

驍堅堯翻

考異曰革命記使與其將高雅賢守新

鄉按是時新鄉猶屬王世充使劉黑闥守之世勣既

事建德乃為建德攻下新

鄉虜黑闥耳今從唐書

常以其父蓋自隨為質

質音致

以魏徵為起居舍人滑州刺史王軌奴殺軌攜其首詣

建德降建德曰奴殺主大逆吾何為受之立命斬奴返

其首於滑州吏民感悅即日請降於是其旁州縣及徐

圓朗等皆望風歸附已未建德還洛州築萬春宮徙都

之置淮安王神通於下博

下博縣時屬冀州宋白曰下博漢舊縣應劭云泰山有博

縣故此云下故縣在今縣南二十里今縣後魏移於衡水北俗謂之故縣城以周建德六年又移縣於今理也

今理即後漢祭  
遵壘北枕衡水

待以客禮

行軍總管羅士信帥勇士

夜入洛陽外郭縱火焚清化里而還

帥讀曰率  
還從宣翻

壬戌士

信拔青城堡

蓋因青城  
宮為堡

王世充自將兵徇地至滑臺

臨黎陽尉氏城主時德劼汴州刺史王要漢亳州刺史

丁叔則遣使降之

汴州古大梁地戰國時為魏都漢為  
陳留郡東魏為梁州後周改汴州以

城臨汴水因以為名宋白曰亳州春秋為陳國之焦邑  
漢為譙縣魏為譙郡後周武帝置亳州遙取古南亳之

名以名州將即  
亮翻使疏吏翻

以德劼為尉州刺史要漢伯當之兄也

夏庾端至黎陽

是年四月遣夏侯端  
安撫淮左夏戶雅翻

李世勣發兵送之

自澶淵濟河

隋開皇十六年置澶淵縣時屬黎州澶市連翻

傳檄州縣東至于

海南至于淮二十餘州皆遣使來降

使疏史翻

行至譙州

舊志

亳州臨渙縣

會汴亳降於王世充還路遂絕端素得衆

隋置譙州

心所從二十人雖糧盡不忍委去端坐澤中殺馬以饗

士因歛歛謂曰

歛音虛歛音希又許既翻

卿等鄉里皆已從賊特以

共事之情未能見委

委棄也

我奉王命不可從卿卿有妻

子無宜效我可斬吾首歸賊必獲富貴衆皆流涕曰公

於唐室非有親屬直以忠義志不圖存某等雖賤心亦

人也寧肯害公以求利乎端曰卿不忍見殺吾當自刎

刎式粉翻

衆抱持之乃復同進

復扶又翻

潛行五日餒死及為賊

所擊奔潰相失者大半唯餘五十二人同走采螢豆生

食之

螢豆野豆也音勞魯刀翻

端持節未嘗離身屢遣從者散自求

生

離力智翻從才用翻

衆又不可時河南之地皆入世充唯杞州

刺史李公逸為唐堅守遣兵迎端館給之

為于偽翻世館古玩翻

充遣使召端解衣遺之

使疏吏翻遺于李翻

仍送除書以端為淮

南郡公尚書少吏部

少始照翻

端對使者焚書毀衣曰夏侯



端天子大使豈受王世充官乎汝欲吾往唯可取吾首

耳因解節旄懷之置刃於竿自山中西走無復蹊徑冒

踐荆棘晝夜兼行得達宜陽

宜陽唐熊州

從者墜崖溺水為

虎狼所食又喪其半

從才用翻下同喪息浪翻

其存者鬚髮禿落無

復人狀端詣闕見上但謝無功初不自言艱苦上復以

為祕書監即楚之至山東亦為竇建德所獲楚之不屈

竟得還

郎楚之與夏侯端同時出使史言唐之興也使於四方者皆能不辱君命還從宣翻

王世

充遣其從弟世辨以徐毫之兵攻雍丘李公逸遣使求

救

從才用翻  
使疏吏翻

上以隔賊境不能救公逸乃留其屬李善

行守雍丘身帥輕騎入朝

帥讀曰率騎奇  
寄翻朝直遙翻

至襄城為世

充伊州刺史張殷所獲世充謂曰卿越鄭臣唐其說安

在公逸曰我於天下唯知有唐不知有鄭世充怒斬之


善行亦沒上以公逸子為襄邑公 甲子上祠華山

新志

華山在華州華陰縣  
有岳祠華戶化翻



資治通鑑卷一百八十七



總校官庶吉士臣侍朝

校對官檢討臣龔大萬

謄錄監生臣甄輔廷